


詩

少華稿
二



RARE
BOOK
chip
2.50
V. 2

T
3671
N15
v. 2

雷淵集卷之三目錄

詩

寒食樂府直中偶檢得前人唱酬軸有和

王世子冊禮訖拜大朝賜弓

和元華伯在驪江見懷

南生鶴舉從伯玉所至發詩卷索和二首

題鶴林正山家圖

奉和十灘李文用簡易淮陽詩板韻二首

題安可度漁父散畫

閒步禁庭見鶴羽有感

趙子昂畫蘆浦微月漁父踞船濯足

西闕直廬示趙錫汝

龜命

兼簡李夢與衛率

直夜同夢與賦二首

送李學士元亮

亮臣

北道兵馬評事

檢龜島詩軸和湖字書紙末

牧使李公

秉鼎

輓

受 賜生魚

登駱峯遙見弊廬門外有客停馬

三日 禁廬卧對梧桐一樹俞生携詩至

同伯玉大卿入道峯李毅父

濟遠

亦來

憇溪上茅亭用桃花流水杳然去余得杳字

移坐分華亭和主人趙承旨

命臣

韻為贈

趙氏溪堂用窓臨絕澗間流水為韻余得臨字
入石泉洞用客至孤峯掃白雲為韻余得白字
觀清寒子廟退述峯字六首

出山

次安翊贊國賓

重觀

韻題

東宮大字帖二首

余自伯玉巖亭醉為馬墜戲書吳瑩叔

璿

扇

和槎川李丈

秉淵

壽辰韻

同宜叔會伯玉鐘巖有作

又得青字同賦二十首

和伯玉昨日偶聞蟬群見寄作

同宜叔遊舍人洞

宿西巖寺

出山贈徹禪上人

秋宵直廬有懷

紫霞洞泉上得源字

一架亭

將入南紫霞洞溪上有丹楓數樹為之少憇

馬上共賦即事

和宜叔野行

三幕寺高樓

寺夜

和伯玉登樓是日為再重陽

樓中又賦一首屬宜叔伯玉求和

潛谷田家贈農者

奉和寒泉李先生

緯

韻謝枉顧旅止

贈梨溪成子

鏞

觀鄭文忠公廟

雷

諸兄東亭之遊僕不能赴用翠軒韻七首

宜叔將赴嘉陵就余書齋宿賦詩為別二首

宜叔至伯玉月谷莊投酬和諸作次寄二首

直夜蒙 宣賜酥漿

贈副使金侍郎

龍慶

題吳瑩叔扇畫牛川

偶讀牧隱詩用其韻

別申春坊景瞻

思建

赴萊州接慰蠻使

敬次家大人悼圭峯入地書懷作

讀書有述示諸子

蒙家大人賜書并詩謹步韻為觀漁詩寄納

副使金侍郎輓三首

端陽前日直廬和上番尹公

昌來

桂坊五詠

菊葉被旱憔悴又賦一首

五月五日夜夢韓愈孟郊墓感而有述

賈和家大人次陶公桃花源詩韻寄上泛桃軒
文遠在桃源寄至九美鏡浦諸作走筆和九首
次宜叔韻寄題松雲祠

簡伯五郊居

槎川丈置酒見邀小疾未赴追和奉寄

雷江集
槎川丈又惠詩要余中秋相過值赴直不遂往
疊和槎川丈又枉詩札見屬之作

江上直舍酬伯玉中秋前夜對月見懷作二首
中秋月色益清步至江干悄悄有懷和寄伯玉
宜叔自海莊過余直廬宿共和前韻二首

同文遠宜叔伯玉宿漢陂作

又得壺字同賦

舟下茅江次伯玉韻

閤梅以十月初吉發一花喜吟屬月谷

十灘李丈聞梅花消息有詩見寄對使奉和

和卷中韻贈曹生命肇

燕超齋與宜叔伯玉宵集有賦

翌日同宜叔會伯玉觀物齋大卿亦至

翌日同伯玉大卿會宜叔宅用放翁韻

文遠置酒東湖見邀

俞生茅堂醉歌

贈曹生歸朗州故林用翠軒集韻二首

俞生恠我近日太無事用長句應之

同文遠孺文公弼雷淵堂夜集拈韻共賦

和東谿詠杜鵑詩

書 崇禎大統曆南厓日錄後

十一月十五夜雪月如晝李仲五

秀得

伯玉來

有懷宜叔又拈牧隱韻有賦

江上直舍令俞生命韻走草投宜叔伯玉

十一月二十三日生朝有吟

司寇郎省小屏畫豎子八戲戲述

李子安

國輔

宅會宜叔伯玉看梅

伯玉宅會仲五宜叔大卿命韻同賦

彌文惠貺竹簡十五用綠管為謝

雷淵集卷之三

詩

寒食率府直中偶檢故紙得前度人唱詠一軸

有和

丙辰

十年烏帽得棲遲三揖端應有一辭
乍喜松篁叅偃蹇未容珂馬與驅馳
春城細雨生花魄御苑晴暉澹柳眉
講罷承華清漏永小臣無事獨題詩

王世子冊禮訖拜大朝賜弓

東宮新贊冊大朝親錫弓臣是一書生
橐鞬不稱躬臣雖不能射射義畧能通
弓是五兵一本以禦強

雷江集
暴君子以觀德反之於大道外體必也直內志必也
正操持既審固所發無不中允矣君子教其義大無
競今當 蒙養初所急在德行愚衷自感激有 賜
敢無獻願將大射篇再拜徹 旒冕

和元華伯在驪江見懷

鶴禁春花隔魚竿夜雨晴清和蔣副率何事亦歸情
南生鶴舉從伯玉所至發其詩卷索和為題二

首

人情物意各青春須識氤氲一氣神鳥弄輕和聲以
餞天無片翳色還真三冬閉戶草玄在昨日扶筇園

綠新芒屨獨來看獨坐知君不解問要津

其二

客與黃鸝至幽居遂晚春吟囊披爛漫病枕起精神
鳥泄無言妙花呈不盡真結交元宿昔今日意逾新

題鶴林正山家圖

高士殿塵喧結廬依空巖徑幽雲欲濕簷短茅不剪
端居生事疎不復養鷄犬藤間兩猿掛庭下孤鶴俛
巖洞屢回合溪流幾曲轉濯足二童子似喜水清淺
春風一來過山蕪綠方展小琴卧古石幽韻被蒼蘚
烏巾紫道服燕坐手一卷丹書若蚯蚓字畫不可辨

自謂與世絕蘿徑無人踐誰知盡工筆永使仙蹤顯
奉和十灘李丈用簡易淮陽詩極韻

萬曆乙巳淮陽府樓被大水月沙李文忠公
詩極漂至江華為人所得還揭之簡易諸公
嘗賦詩述異其後二百年而淮陽又被災火
逼府樓而旋滅詩極獲免灰燼而歲又值乙
巳嗚呼奇矣府使趙公裕壽用簡易韻以張
之余與諸君子皆樂為之賡和云

浸燎其如妙句傳瓊琚早被化兒憐尋常戲劇聊為
爾畢竟扶持誰使然解脫波斯無等寶歸依姑射本

來仙雲仍百世勤修飾好度青蛇幾劫年

其二

离坎門中許久傳紗籠拂拭更堪憐直須流出驪珠
似端不焚殘崑玉然咬唾人間猶有鬼精神天上定
何仙蠹魚編簡消磨甚歎息斯文二百年

題安可度漁父散畫

蒼江漁父鴻俱暝笠貼肩風不勝泊舟沙岸下江
去楓樹荻花深有徑南垞草屋門半開主人不眠呼
則應

閒步 禁庭見鶴羽有感

白雲停巖阿青松生澗陰憐汝雪色羽飄飄落
禁林一羽不足惜恐損雲霄心

趙子昂畫蘆浦微月漁父踞船濯足

秋浪為風荻如夢舟中獨夜江聲衆長年踏水脚不
垢濯足端為滄波弄澹月橫沙一鴻起偶然自值遂
遠送

西關直廬示上番趙錫汝

龜命

兼簡李夢與衛

率

烏紗隨率府 鶴駕次離宮殘卷自家計長官多古
風柳暗延嶽翠林晚落櫻紅誰起東閭老蕭然冥眼

中

直夜同夢與賦

逢迎每此地君豈不高人既雨雲何事孤吟月有鄰
絕知肝膽舊未歇笑談新料理平生意應還江海身

其二

伴直詩翁至王維難笑人語長三鼓下心炯一燈鄰
白雪知音在金莖拜賜新堪憐西苑栢無補只長身

送李學士元亮

亮臣

北道兵馬評事

橐鞬不是朔方捐聖代和戎重守邊鴈外青霜飛

雷洪集
女直馬前黃葉墮朝鮮重城警夜間鳴柝列堡防秋
有控弦杜牧論兵元妙絕文章奚止玉堂賢

檢龜島詩軸和湖字書紙末

裸衣跣足枕長壺舫子春風漲大湖不用駕車招白
鹿直須飛鳥作金龜仙巖乞句有高釋石洞題名追
鉅儒前度幾人來此地古今相望月輪孤

牧使李公

秉鼎

輓

少年英氣即雕龍偶失青雲屈遠蹤居室儉勤移作
郡及隣仁愛自敦宗明珠薏苡真無事古木風霜不
變容枳棘尚言非鳳所更堪春草掩新封

受 賜生魚

恩頒大庖餘，偃僂陋巷士。
熟薦于先祖，且將名幼子。
登駱峯，遙見弊廬門。
外有客停馬，意金子來過。
試以詩投寄。

春鳥多言盡，好期懶夫無。
事得追隨波，生古澗魚初。
詠花在深梢，蝶不知紫閣。
携樽芳樹遠，青山倚杖片。
雲遲吾家有客寧，非子遙見槐庭鵲噪枝。

三日 禁廬卧對梧桐一樹，故人期我以華山之游，亦不能出。耿耿在懷，俞生携詩至，喜次一章。

章

西掖老梧樹蒼蒼雲日深烏紗獨不出白鶴時相尋
踈雨散清晝好花生故林君詩如蜀魄動我山中心

同伯五大卿入道峯李毅父

濟遠

亦來會用高

山仰止為韻余得高字

丁巳

靜老孤忠星日皎尤翁正氣斗山高唐虞盛際明雙
目王霸關頭折一毫禮樂如今無種子春秋從古困
兒曹悲歌悵望荒祠暮欲薦芳馨擷澗毛

懋溪上茅亭孺文公弼携吳瑩叔

華

敬父至用

桃花流水杳然去為韻賦詩余得杳字

松風警幽夢水木霽清曉提攜出山門微徑入窈窕

清泉竟長薄白石紛縈繞朝暉動秀木好花開未了
虛亭架絕壑茅茨出林杪平眺萬丈壁始覺衆峯小
褰袂拾蘭芷負策隨魚鳥茲遊選暇日而無塵事縈
優游不言歸遂得窮幽杳名言析至理緩酌間清醪
緬懷君子風古廟在山嶠大道不遠人吾黨敢自少
高詠鹿鳴詩使我憂心悄

移坐分華亭和主人趙承旨

命臣

韻為贈

休官初暇日蕭散有園林樽酒留人醉松篁滿地陰
山光高枕得琴意不彈深古廟東峯下悲歌懷雪岑
趙氏溪堂用窓臨絕澗間流水為韻余得臨字

麗日輕風鳴好禽林中下馬復長吟松身南郭初憑
几春意昭文始鼓琴峯迥僧隨孤鷺去池清客與片
雲臨求田問舍平生計為向漁樵說素襟

入石泉洞用客至孤峯掃白雲為韻余得白字
春事忽已晚山花澹向白虛榭水聲集古徑松風積
負策東澗隈妙境從心獲而我不諧俗雅懷在山澤
會意不在遠一笑便自適况有佳友至可以永今夕
芳洲采杜若欲贈東峯客

觀清寒子廟退述峯字

霜林寂寞寒蟬蛻雲海飄飄老鶴蹤何處招龜泉在

地祇今祠屋寄東峯

其二

元亮文章寫幽意
幼輿丘壑對癯容
祠宮芬苾誰堪
並四海神交有伯恭

其三

離騷一讀紛歌哭

先生喜讀離騷讀已輒哭哭已又歌

為有心期朝暮

逢後世竟誰知己者
春山薇蕨漫茸茸

先生詩喜用薇蕨字

其四

一種人師百世下
前賢也不與中庸

退溪曰清寒子自是一種人栗

谷曰清寒子百世之師

省公憂樂違行地
只合終身未見龍

其五

文章錯落金山石

先生以所著文章置之金烏山石室

蹤跡悠揚雪嶽

鐘名義本知儒者事枉教夫子託禪宗

其六

存髯削髮何分曉未副平生礪磊胸
剗盡霜顛逾勁節蓬蒿爭得掩寒松

出山

落日歸心懶遲遲度碧蘿泉聲騎馬遠
野色出林多谷柳已如舞山鶯猶不歌
雙柑一斗酒他日約重過

次安翊贊國賓

重觀

韻題鄭副率公華

宗

新賜

東宮兩大字帖

習贊 天成日藹然 溫文聲氣已書筵孝經一句
資初語師自文王世子年

其二

一經一緯直而長 墨液氤氲壓紙香大木本求繩
得正侍臣何術贊 潛光 公萃所得即
大本二字

余自伯玉巖亭醉歸為馬墜傷臂吳瑩叔來問
請以四月上旬置酒鷗江戲書其扇

昨日著花飲君酒今朝落馬傷我肱人間憂樂一笑
了水色東江青似藤

和槎川李丈

秉淵

壽辰韻

風花雪月照空間
嶽下先生莞爾顏
竒數純陽三道
士高名此歲再香山
釋迦氏呂洞賓皆以四月降公亦以四月降白樂天以壬子生
公以辛亥生所以有三再之說
華胥夢罷聊觀世
紫氣圖成欲度關
鳥雀青天飛自得
化翁應與放生還

同宜叔會伯玉鍾巖有作

暝色高林外
翻翻鳥雀餘
相呼多為酒
一宿亦携書
石古雲含瘦
池清星動虛
夜涼還惜睡
山徑更連裾
又得青字同賦

古徑迢迢石扁欄
干坐拂薜蘿
青晴天雀翼多高

舉空谷雲客有遠停山影開君生色障池心了我不言
經今宵微月猶堪賞且可披衣卧小亭

再疊

遲遲清旭在巖扃簾閣輝輝水物青白雨初收松色
淨黃鸝屢嚙柳風停隍人覆鹿孰非夢齊客相牛空
有經吾友高情本箕潁不妨棲息且郊亭

三疊

溪風和雨散槐扃几席依林一色青浮世功名真幻
化幽園賓主好居停隔窓鶯語如酬酢罨箔蛛絲有
緯經避暑正須河朔飲且攜樽酒上池亭

四疊

黃鸝恰恰柳垂肩過雨郊園未了青騎犢人隨流水
去看雲吾與古松停絲登善嘯可無語莊子逃名猶
著經滿眼枯棋慵不着商量一局好平亭

五疊

起居終日有霞扃長夏天容只澹青山氣透林禽鳥
疾暮光涵沼斗牛停遠東處士常依榻稷下先生漫
說經可道林泉真意在祗今顏樂廢遺亭

六疊

隱几翛然不出扃端居日日遠岑青煙雲弄色詩將

化風水生文易不停蓬底逍遙鸞鷁得卷中治亂蠹
魚經自憐襟抱玄虛在嘯罷深林月覆亭

七疊

遙嶂生雲欲覆肩乘涼緩步瘦藤青槐霏滴甃新苔
滑澗葉承崖暗溜停燕觜泥從忙處落鷺絲風向靜
時經優游城市存吾道花石東林也有亭

八疊

古檻生涼晚不扃煙蘿一道遠蕪青溪清頗怪游魚
少樹靜頻逢好鳥停山郭騎驢知舊約石門携酒憶
曾經荷花七月應撩亂留待題詩滿水亭

雷淵集
九疊

空籟泠泠已夕
扁谷煙村樹澹仍青山棠結子無人
見澗草生花有蝶停世自異同堅白論誰能寂寞太
玄經溪橋立馬聊回首榆柳依依掩野亭

十疊

柳暎歸鞍度澗
扁郊墟十里暝煙青泉聲出谷終相
遠山色隨人故不停幽鶻尻高溪草啄小驢蹄捷石
梯經歸來一夢風簷下猶自揮毫憇沼亭

十一疊

幾處人家石築
扁板橋殘日一驢青山客絕壁孤雲

過野色遙沙澹月停謝客只消無事酒下帷猶有未
窮經攀援桂樹存長計不獨牽情幽菴亭

十二疊

故人棲息郭東偏澗道泠泠雲樹青野鶴翅長終遠
擊宙雲心迥且孤停題詩水閣朝携策剪燭山窓夜
檢經丘壑優游吾與爾襟懷松竹老亭亭

十三疊

懶廢過從草塞肩千峯褰箔納遙青露沾荷葉晨光
淨日轉松根午影停貧甚吾猶書一架窮時聖亦席
三經尋師訪道平生志遲暮惟堪誦考亭

十四疊

烏紗歌側倚仙扃苑柳蕊籠璫聞青江海何曾鳬鴈
少梧桐不見鳳凰停鄴中朋友猶懸榻汾上兒童未
授經強喜野人能解事小舟料理傍湖亭

十五疊

禁廬寥閤似禪扃深枯脩篁不已青高拱宿雲朝對
卧上林歸鷺夕俱停支頤漫有西山笏拄腹難窮北
海經自信疎迂妨世路會將蹤跡寄汾亭

十六疊

曙色銅龍闢兩扃衣冠偏側度絳青風清
紫綵爐

煙徹日永金壺漏箭停禮樂他應三代事詩書吾自
一函經消磨習氣初心在九曲煙霞想幔亭

十七疊

屬伯玉

宮樹沉沉已上高懷人獨夜紙燈青歌成白雪心猶
壯琴到高山指欲停博士向來空倚席將軍今日也
橫經滄洲鷗鷺煩相待耐可揚舲過土亭

國子有良
博士而無

賢弟子率府本將軍卿而
往往挾冊登筵故五六云

十八疊

屬宜叔

故人東巷住蓬扃簾捲終南一握青兩立雙松身更
聳雲飛一鵠意難停桐心縱老莪洋在竹語猶寒霰

雪經未必高明宜夏日石頭移枕當虛亭

十九疊

涼生葦箔雨翻扇不禁庭苔鶴啄青靜聽南崖新溜
滴緬懷東澗小驢停棲身兀兀還孤榻曠腹便便是
五經吳客何須洛生詠只堪長嘯擺林亭

二十疊

宿露微微灑曉扇蒲芽強得寸餘青兒能索句虫吟
苦客有投壺鷺樣停狂態劉伶著酒頌高懷葛亮寫
琴經四郊禾黍油油起喜雨三朝合記亭

和伯玉昨日偶聞蟬聲見寄作

酒壘詩塲撥宿緣
白雲清簟擁書眠
江湖獨往輕舟在
惻悵君家一樹蟬
僕與伯玉有東湖之約得見今日除目伯玉有吏部之命此
事遂不
可諧

同宜叔遊舍人洞

松間下馬弄清溪
谷日蒼蒼萬木齊
秋色定知何許好
遠林先有數蟬啼

宿西巖寺

朝送白雲去
暝歸還北林
殘楓馬踏遠
流水客來深
巖月平生話
霜鐘宿昔心
自然清不睡
搏酒屢成斟
出山贈徹禪上人

九月一樽酒高歌寒露天曙星低遠樹雨氣響幽泉
引白從吾道叅玄愧爾禪霜鐘驚客意立馬曉雲前
秋宵直廬有懷

我生訥於口心在口不宣袖手衆囂中嘿嘿如相捐
吾雖不自言獨喜聽人言有能愜吾心如出吾口然
悠悠四海內知心良獨難秋天日沈寥落葉委階間
燈火照兩壁虛閣悄不眠惻惻有所思所思在九原
紫霞洞泉上得源字

曲折度長谷不知初發源雲來自孤影秋晚已清瀆
遠響青山靜幽期老石存野翁寧識此黃葉掩孤村

一架亭

亭故申節度所築

歸樵落木共斜暉九月山寒鳥雀稀
若對黃花不飲酒其如白露欲沾衣
空殘澗戶人誰倚使有田園吾便歸
可笑當年兵馬使千金粧點一柴扉

將入南紫霞洞溪上有丹楓數樹為之少憇

夕陽人影散清溪為愛丹楓駐馬蹄
雲外磬聲何處寺遠峯殘月未全低

馬上共賦即事

出谷逶迤馬影長西峯落月正蒼涼
山霏度樹添秋響水氣蒸崖作夜霜
寒杵孤村深犬吠殘鐘遙寺去

僧忙入烟已歇惟高柳試向前溪問草堂

和宜叔野行

鷄犬翛然井臼前日斜墟里見人烟蕭蕭木落惟秋水片片鴻歸欲雪天浪跡只堪豪士賦孤懷不負遠遊篇百年丘壑客吾輩耐可逍遙到白顛

三幕寺高樓

東臺蕭瑟有悲風徙倚高樓秋色中澗道霜清千嶂出海門日落半天紅一樽我欲邀明月長笛誰將響遠空下界雲沉烟火絕寥寥此意與君同

寺夜

獨有高槐鳴遠霄月沉樓閣夜寥寥鴈穿赤葉蕭蕭
過客與黃花寂寂遙雲氣稍深還恐兩海客微變遠
知潮驅除萬事惟須酒一酌勸君仍自謠

和伯玉登樓是日為再重陽

登高復重九客意自多奇落日牛山淚

是日觀
落照

黃花

鶴寺詩危樓海色動古壁葉聲悲野老來相問深壚
酒徒庖

樓中又賦一首屬宜叔伯玉求和

木落霜清見海濤登樓客子振秋袍天邊獨鳥終難
了樹杪孤雲敢自高蓬矢壯心無事老菊花佳節不

期遭百年難得一朝遇勝境饒君放筆豪

潛谷田家贈農者

四體久不勤筋絡自駑緩慚愧我農人竭力事耕墾
耕耨每及時事至不暇懶胼胝手與足辛苦至歲晏
秋禾既登斛與我常割半畎畝耕者主何言疆理限
向微勤苦力有田吾得飯况復今歲歉晚滂兼早早
既穫計田口率歲猶未滿况敢逸居食重為生民瘼
平生詩書業力學代生產垂老靡所成顧爾增慚赧

奉和寒泉李先生

緯

韻謝枉顧旅止

但使白駒食莫言籬畔花詩書衰世意樽酒旅人家

樹老雲生壑霜清水見沙秋天半搖落歌嘯不禁多

贈梨溪成子

鍾

成子冠其子宿戒我為賓嘗聞戒賓者必擇知禮人
加之以吉服祝之以嘉言默觀制禮意師道實斯存
吾身尚未修何德以及人子心雖已勤吾義實逡巡
敢以逡巡者荅子行古意吾觀子之子溫溫天質美
吾雖不為賓請為子名子德朋以為名澹之以為字
嘗聞尊師道必自朋友始師嚴友則狎所習能遷已
見善遷已難見惡遷已易君子澹以成小人甘以毀
吾觀寒泉門雲聚四方士師教豈不正所憂諒在此

吾言止於是孺子可勉矣

觀鄭文忠公廟

武王昔戡黎祖伊不尤周聖者動以天天命焉可仇
哀哉鄭侍中遑遑何所求斯道孔與孟遺我平生憂
彌縫夷虜俗一變至魯鄒仁義用不盡將死以相酬
豈無丘與壑可以供遨遊松京氣憔悴睠顧以淹留
忠智固已竭進退皆公羞取死豈倉卒此義結綢繆
再父早見幾邈焉不可儔觀其著詩集豪氣蓋九州
却來揖遺貌頗復見窮愁見貌識公心有淚落不收
修己與夸名大道日繆悠向非我公人誰肯為道謀

雷

平生喜讀書不學言災異但知天地間惟有感應事
來之必有名此理不虛偽無失尚可惕有災寧不惕
有災尚見憂無災乃見棄宋公一言善熒惑為之避
所喜為能改仁哉上帝意魯末多豐歲殷衰鸛鸛至
帝意乃始嚴愚者以為瑞此理甚可畏如父詔厥嗣
屢誨益見慈所怒在不言今年九月終雷乃不在地
發聲何轟轟轟陵越如奔驥兼之日星變不絕羲和志
况復穡事痒蒼生極困悴我雖一布衣自然憂心忤
不知國家事近者何設置但喜吾王聖驟被皇天

字稽首向 龍墀側耳聞德義

諸兄有東亭之遊而僕不能赴夜坐悄然取翠
軒集讀之有感于懷輒用舊雨來今雨不來七

韻奉宜叔伯玉

少日負奇氣謂可了宇宙丈夫不資身寸祿以自救
寒冬三日雨卧數銅龍漏目疾羞見字燈暈大如鞦
省居雖清暇不及吾廬陋何為受羈束談笑阻朋舊
東亭一樽酒有約不相就終應與同歸故人豈余諾

其二

白鶴在澗阿一去不回顧雖無梁與柏飲啄亦自裕

東山四十年高卧謝太傅人生適則已何必與世遇
晚趨征西府遂被簪纓汚出處不自謀清虛安足慕
紛紛帳後拜殊異高士趣所以固窮士弊廬卧風雨

其三

吾黨有一士奇氣故難摧雅志在當世性不嗜酒杯
早學壯宮子勇往期不回豈無君子道坐鎮衰俗頽
南行久不見使我心中哀嚴風委蘭蕙念子登崔嵬
折簡欲相招攬車早歸來

其四

驚雷驅急雨鳥雀隨疎林匹士不遑安周雅成謳吟

昭哉周名心千載倘可尋君子慎行藏瞿瞿其自今
其五

叔度卧蓬蒿倜儻誰敢侮林宗不絕俗其智吾竊取
賢哉管幼安遠遊不懷土悠悠漢天下明哲蓋有數
朗誦高士傳痛飲傾斗酤敗葉委中階烈風為一鼓
袁生真自苦憂國淚如雨何如早見幾一舉冥冥羽

其六

不寐夜逾永籤帙散不收幽吟亦自適有似虫鳴秋
歌枕忽有夢廣成邀我遊為我奏大樂宮徵迭剴柔
貽我綠玉笙挺直如笋抽此物未盈尺清風頗颼颼

語終騰雲去滅沒如波鷗而我困風塵志不及冥搜
廣成帝者師崆峒不可求形響渺何因疇能證九丘
願就君子卜此意倘知不

其七

有酒而無友不如不食杯開軒覽夜色松月白崔嵬
安得生羽翰促膝盡餘醅得句聊寫去且待賁詩來
宜叔將赴嘉陵就余書齋宿賦詩為別

送子攜家去嘉陵十月冰霜翻千嶂葉風剪一窓燈
搔首人間事關心洛下朋冥冥鴻鵠舉我或與君能

其二

雷澂集
夜長多別語窓外積風冰落盡三更月燒殘一寸燈
田園真上策麋鹿亦高朋隨分行藏事耕漁任爾能
宜叔至伯五月谷莊以其酬和諸作見投次二
首却寄嘉陵

念子山中雨暎鞍豈無樽酒與誰歡柴荆谷遠烟生
澹井臼村深雪擁寒久向詩書存契活懶從妻子說
艱難只應兩地相思意曉月分明掛屋端

其二

問君何日歇歸鞍新到生涯苦也歡松菊不愁三徑
僻茅茨纔覆一燈寒吾衰漸憶隱居樂歲暮熟知行

路難星宿滿天聊起步不禁憂緒自多端

于時連夜有星災

直夜蒙 宣賜酥漿

周廬悄獨卧鐘漏濕寒雨忽聞有 君賜衣服冠出
戶玉碗映酥漿擎進煩內豎正席乃先嘗一匙首再
俯甘滑勝玉糝釀白敵鍾乳調和用鹹齏嚙吞利肺
臍虛被濡响澤豈有塵埃補嘗已閣一半小臣有老
父

贈副使金侍郎

龍慶

皮幣百年事勞我弱國臣山河惟涕淚禮樂尚烟塵
落日心空在哀歌劍獨親金星三入月天意果何因

是時太白

八月者三

題吳瑩叔扇畫牛川

牛渚好風土春來魚鳥多試看江北色烟翠幾人家

偶讀牧隱詩用其韻

戊午

余於事物多拒而不受損之使少自知遠於
道亦無如性不耐煩何也獨於文字之累不
能罷遣近或因沉思損心氣至發疾不寐良
自苦也戊午三月夜在學府直廬偶讀牧隱
詩曰詩興茫無涯靜思心反昏手中筆鋒直
忽落微有痕衣污尚可濯心衰難立言四序

似鱗次萬物盈乾坤其中浩然氣與我同一
元奈何反自小有如泥水渾澄之便見清往
矣尋真源有可取以自藏者輒用其韻書諸
左牖

我性水中珠濯之常不昏我心目中鏡照之了無痕
何欲罷不能湛思著空言安排雖得好亦不侔乾坤
嘗讀易文言善之長曰元棄長就其末用處終不渾
稽首矢天君回轡溯真源

別申春坊景瞻

思建

赴萊州接慰蠻使

未逾元國耻易失尚蠻情久矣羈縻策勞我接慰名

匄犧存故禮忠信勝強兵端使回車日南人誦陸生

敬次家大人悼圭峯入地書懷作

看葬青山罷孤墳去若忘須彌定何國南漢果新岡

公疾夢語輒曰真我於南漢城外訪我
於須彌國中果卜葬於南漢西城外道貌松身瘦

詩聲澗籟長傳家餘翰墨未沫舊書香

讀書有述示諸子

仲尼讀易八索黜職方載述九丘詘繁文末術悉殲
除秩叙典常歸諸一聖遠言湮數千年天下書籍多
缺裂世儒因之騁妖妄務生新意相跨越有無得失
何混淆各自傳授助頽舌紫陽一筆痛刷洗補缺正

偽無作述諸家長短極折中權量錙銖無一失周公
禮樂可此功手扶昏翳出白日如何後人好奇異棄
擲梁稻嚼查橘高才陷溺尤可怕橫驚妖恠弗可詰
聖賢立言豈自謀為開來學心惻怛後人自謀亦不
能慢侮聖言輕自絕布衣不與天下事分抱遺經老
圭萆幕歸視獵意猶在恐受外魔來傾奪

蒙家大人賜書并詩知南湖觀漁甚樂惜其不
與侍焉謹步韻為觀漁詩一首憑使寄納

大魚游浦口小魚搶石齒良漁舟截流族漁徒入水
我漁在不漁不以物為累順流而鼓楫舞躍鱗與鯉

或眇不麗眾或重能掣餌搖深始圉然舞濶旋憇爾
扶藻乍擲外吹苻翻闔裏揚鬣逃濺濺駢首駕瀾瀾
鯢鮪乃夢夢水國春方起知樂追濠梁放生慕東里
況乃賴尾詩古以勞赤子所賴响濡力安忍恣刀几
左右從爾適其餘畀饗吏湖山各自得民物皆我理
寧忘盡物戒蓋亦取適已於焉矣詩多五言爛盈紙
小子樂是舉賡歌以述喜

副使金侍郎輓

昨別遂長別今還豈當還病仍諸夏外歛未六親間
使事虛持節歸心罷撫環誰言死可忍曾不及龍灣

其二

忼慨家風遠，關河滿目悲。
路終豐潤縣，病祟黍離詩。
有淚空懷閼，無言更及私。
憑將忠孝字，緘血勗孤兒。

其三

北鬼難為友，魂兮歸未歸。
家人初並夢，

幽問前數日公夫人夢公

來訣客夜已招衣，灣兩應隨入遼。
雲不共飛幽冥，那可

詰祗得哭明幃。

端陽前日在直廬，困暑上番尹公

昌來

以新述

桂坊五詠，索和聊為賦之。五物蓋皆清遠饒風
韻者，庶幾以寸涼酬我乎。

雷澂集
無風自響韻何遠抱石孤生材不低寄語後人勤護

養慎無規度做東西

琴材以石上孤生者為最此物正恐不免即罵此詩壁間為乞

命於後

來君子

右石上桐

小池能着花多少只着一花應更奇葉底游魚深不見解留饒鶴得歸遲

右盆荷

爾身長大亦何補合與慵官對讀書無復一塵來汚我清風終日掃庭除

右孤松

吾舍玉溪多好石恨無蒼竹數竿栽今宵偶作故園夢明月一窓疎影來

右疎竹

不知風雨卷春去收拾餘香還畀誰饒汝一番粧點

好直愁無力透霜脾

右叢菊

菊葉被旱憔悴又賦一首

大人觀物故多術看到一陽還一陰憐爾如今太憔悴誰知中有傲霜心

五月五日夜夢哭一古墓銘曰韓愈退之墓蓋郊墓在其右感而有述

我夢哭退之自然淚滿衣平生貞曜子丘墓相因依欲就大人卜此意識者稀世人重名利友道日已非生愛死棄之足令仁者唏邈哉雲龍契薄世誰庶幾神意不蒼茫知我與世違以是大徹予如嘲又如譏

趙武觀九原文子欲與歸今我思古人古人安可希

賈和家大人次陶公桃花源詩韻寄上泛桃軒
偃枕寤炎蒸火帝初持世鶯呼都不應魚泳願俱逝
頽乎盥擲去甚矣嘯歌廢安得一曲衆隱者之所憇
既有嘉石列亦多茂樹藝濯足又散髮杖履從所稅
風月為賓友猿鶴充鳴吠如此是仙鄉何必襲芝製
今讀桃源篇神往脚未詣鶴性本縹縹見月愈凌厲
地靜是太古人間為樂歲境虛照無碍始知定生慧
俗人語名勝古今以為累賤鷄而貴鶩多為名所蔽
誰能傳我翼高舉埃壙外願逐漁舟子洗心託末契

文遠在桃源寄至九美鏡浦諸作走筆和去是
夜余被酒詩語多沓挽風氣

悠悠魚忘水澹澹雲忘宙吾聞九美號意思不蒼茂
木石尚嬰情天機焉得覯

其二

我昔遊華山振策白雲臺一去不復戀有如鶴踏苔
悠悠江海外誰與一徘徊

其三

我欲倩魯公大書龜淵壁鄒人孟子車一字各十尺
金子曰如此蛟龍避窟宅

雷海集
其四

君言鏡浦遊鏡浦我所欲昂然先我往瀟灑立於獨
曷不攜吾子俾之豁心目

其五

吾子頗質厚譬之良田疇尚之以雨露底其興油油
乃翁事情濶不穡敢望秋

其六

阿姪萬斛船駕海指遙嶼風高帆不飽猶未離洲渚
何如我漁舟烟波間來去

其七

少弟劇美好濯濯蓮出池文字稍入理有似春繭絲
終不學乃兄一生坐鈍遲

其八

我性良鈍遲鈍遲甚害事因之損外事泊然無喜恚
時時應世俗蓋亦多劇戲

其九

吾嘗與子戲盡子於蒼巖手持一編書蕭然倚古杉
安貧是吾師草屨而布衫

次宜叔韻寄題松雲祠

藉甚英聲塵賤年戎衣再上日南船心持半偈無多

雷湖集
海手扶重氣見在天出世兒童知義士還山猿鶴伴
癯禪着渠終是空門老應愧荒祠也俗緣

簡伯玉郊居

木葉初生響秋風到索居鉤簾山翠近隱几雨聲疎
處世莊生馬知君惠子魚離群多日月能著幾編書
槎川丈置酒見邀屬小疾未赴翼日槎川惠詩
而亦未亟酬也今始追和奉寄

莞爾見夫子來詩吟不休蟬聲送殘夏雨氣集新秋
久卧漳濱病空懷嶽下遊清雲興復動今日強梳頭
槎川丈又惠詩要余中秋相過值赴直龍山不

遂往步韻寄謝

我不如夫子官休詩不休幽期阻北嶽佳月負中秋
非復高人事真孤長者遊烏紗近重九未害孟嘉頭
疊和槎川丈又枉詩札見屬之作

秀句流傳遠公方隱几休雲孤每依癡鶴瘦更宜秋
風雅歸題品江山屬卧遊文章真耐老不怕雪渾頭
江上直舍訓伯玉中秋前夜對月見懷作

旅食驚秋氣窓間獨攬衣夜涼松作響江近月添輝
已有孤懷適曾無一物違朋游猶耿耿自覺道情稀

其二

吾道只如許徘徊江月清扁舟聊遠意旅鴈且孤鳴
已卜百年事難忘今夜情秋風牛渚濶從子濯吾纓
中秋月色益清步至江干悄悄有懷和伯玉前
韻翌朝走寄

倚遍洲前樹紛紛月滿衣幽懷自耿介衰鬢欲光輝
江色天俱遠秋聲鴈不違孤舟空在眼欲泛故人稀

其二

露下夕烟歛中秋月影清薰葭兩岸色鸛鶴五更鳴
烏帽元隨分滄洲且寄情時清管庫好吾不薄簪纓
宜叔自海莊過余龍山直廬宿共和前韻奉伯

玉芝下

客夜逢歸客江樓共解衣宿禽啼渺渺月樹動輝輝
湖海心孤往詩書事不違幾回城郭會終覺此宵稀

其二

夜色皎如許多因江氣清鷗應慣水宿虫亦以秋鳴
倦矣周公夢悠然濠上情此時憂樂意危坐整冠纓

同文遠宜叔伯玉宿漢陂作

秋聲連客袂寒荻不知汀木瘦多晴月江翻有落星
虛舟非世事高枕便吾亭石室悲歌外平生酒一瓶

又得壺字同賦

雷淵集
一道疎林帶遠湖，登樓客子酒盈壺。帆隨夜月來無
數，鴈在秋沙宿不孤。出處違心憐爾拙，文章驚世笑
吾愚。高歌共是悲秋意，兩岸寒聲有荻蘆。

舟下茅江次伯玉韻

秋風浮小艇，江漢有清波。村夕青楓冷，汀烟白鳥多。
百年渾得意，萬事一為歌。肺疾雖妨酒，其如吾友何。

閤梅以十月初吉發一花喜吟屬月谷

伯玉號

老菊荒荒委晚華，清霜白露正交加。若言十月陽和
盡，誰遣寒梅發一花。

十灘李丈聞梅花消息有詩見寄對使奉和

十月茅簷下孤芳已此枝物情無早晚天氣有推移
老鶴猶秋夢黃花祗昨詩百年吾與爾耿介一經帷
和卷中韻贈曹生命肇

伯氏謫朗州時次文谷韻贈主人曹生命肇

其後續和者多矣戊午陽月曹生訪余壺村

仍以李子三

台重

尹景平

心衡

諸詩見示謂

余合有一語遂和贈聊以明伯氏之意耳不
足與俗人言也

先生心事自高賢燕處榮觀一窅然陰谷本難容瑞
物南荒未返縮長年泥牛消息今滄海

佛書兩箇泥牛闖入海直

到如今金馬翺翺舊謫仙身後正堪論宿志九噓端
無消息
不寸餘天

燕超齋與宜叔伯玉宵集有賦

煖酌清燈美遠宵朋來不約勝招邀已驚素雪飄虛
踊可信微陽在故條歲暮寒松應獨秀風高老驥尚
餘驕塵中也有寬閑地况得游從不寂寥

翼日同宜叔會伯玉觀物齋大卿亦至

襟抱淒淒對遠林高歌斗酒更誰禁顛狂已負當時
策枯槁真成歲暮心卧竹也應如我倦寒梅聊欲與
君深騎驢踏月亦閒事興到何愁西日沉

翼日同伯玉大卿會宜叔宅用放翁韻

詩盟早已軟銅盤時復尋盟作小歡萬事風埃撥不
去數莖霜髮笑相看劇知書劍徒為爾強喜朋游猶
未闌高枕悠悠江海興我懷何處不曾寬

文遠置酒東湖見邀

東城十里赴佳期獨遣梅花守小帷懷抱平生惟有
酒湖山何處不宜詩蒼松雪立蓬難企黃鵠雲飛鷄
豈知萬事直從江水瀉麤狂也有一言奇

第七記座
客醉中語

俞生茅堂醉歌

我心於世無住着有似白雲天中泛最喜東湖江色

澗狎鷗亭下三繫纜今冬大雪尤壯觀李生邀我嘗
新釀把酒高歌望江色寒氷瑩瑩開新鑑江北大野
純被雪獨有龍門青一點醉來捉衾要一睡又被俞
生撼我枕言我茅茨有新築雖無異觀瀟灑甚但願
夫子強登臨一為歌詩題小檻理我杖屨扶我去宿
醉湍面紅如染出門已復興飄飄江市出日烟霏歛
小亭得地頗靜散新覆白茅清可蔭斯須赤脚致一
樽開樽綠醅方濫濫軟飽香飯進稍稍山厨風味劇
踈澹貧家倉卒焉致此具取惟應為老俺久向吾人
識好意今我何辭一痛飲喜君眉宇多清氣此中幽

事仍可念江有魚兮山有薪匹士生涯常易贍父母
怡怡兄弟湛荒田數畝在東崦東窓蘊藉可讀書紙
帳烏几朝光豔人生安命自有樂何必區區歎坎壈
富人萬事苦難乏貧者之樂不可減愛君固窮似君
子豈嘗有戒窮斯濫為賦長歌記壁間吟罷可與李
生覽

贈曹生歸朗州故林用挹翠軒集韻

意在憑詩發憂來遣酒調為人只如此舉俗亦相饒
東郭留樽靜南天送客遙聞君卜居好早晚為長謠

其二

病枕梅花動衰顏酒暈調孤懷欣易適樂事忌偏饒
鴻鴈衝霜盡星河轉夜遙遠遠翠軒句且可為余謠
俞生恠我近日太無事令渠命韻把筆為長句
以應之

我如海鷗本無機不擇賢愚耐久處好人固好發吾
趣俗人不惡減吾語近者天寒雨雪繁好人俗人俱
見阻一句都無頻笑事孤坐默默如羈旅俞生恠我
何嗒然無乃子窮心愁沮我言吾非故嗒然化翁奔
走為我所悲歡榮悴劇分付來非我招去非拒萬事
一毫不用力都將軀子聽奪與一頻一笑各有然我

無憂樂誰為許東山茅屋四十年世人笑之為囹圄
我自樂此亦非強其中澹澹足儔侶古人已遠誦其
言勝與俗人紛爾汝一室空處皆神明我身如玉水
中貯寸心不動自無垢日賴神明為滌去靜觀此理
頗分明方覺天人不齟齬生乎不見織錦婦往來經
緯只一杼不然絲縷各自謀焉得整整不錯序鳶飛
戾天豈爾力聳身直翅從風舉世人調我喜大言初
非細也孰增巨我言似禪實非禪理妙發發孰吾禦
俞生大笑賞嘉言再拜獻我一觶醕

同文遠孺文公弼雷淵堂夜集李麟祥元靈亦

至拈韻共賦待朝寄伯玉用牧隱集韻

遙夜霜清鳥絕飛高軒負手月翻衣祗應避世墻東
可敢道知心天下稀少日文章閒契濶暮年經卷大
依歸幽蘭古石誰能識獨有深樽與子揮前冬伯玉
贈余詩有
避世墻東可知心天下稀少之句今日元靈為
余畫蘭石其寄意蓋同余於詩中并荅其意

和東谿詠杜鵑詩

亡友趙錫汝性不喜為詩嘗以詠杜鵑花一
律見示余謂改作詠梅尤見理致錫汝心肯
之錫汝既沒之翌年中冬閱東谿遺集得此
詩讀之悽然有懷遂和之

騷寒不是世間枝，開落乾坤閉塞時。
闔戶養高元絕世，披帷索笑始看奇。
發揮地底微陽性，噓起園中萬木姿。
豈少繁華向後事，却嗟佳境易參差。

書 崇禎大統曆南厓日錄後

明亡九十有五歲我 王戊午十四年黃鍾十二日

南至小臣盥手石上泉手執一編拜稽首云是 崇

禎大統曆中記丙子丁丑事筆法簡嚴如史冊借問

何以得此書出自外氏箱篋藏憶昔南漢受圍時吾

祖執鞫隨 仁王亂事始終手自記至今見者涕盈

眶臘月辛巳十一日也國有科壬午虜馬盛西閩嗚呼嗚

呼一嗚呼我何嗚呼國無人縱賊入國國不知方伯

郡縣首可懸甲申

王入南漢城是日

廟社江都

適嗚呼嗚呼再嗚呼我何嗚呼國無策國君社稷

乃異處廟堂大臣肉可食丁酉

二十七日也

我人饒虜師

大臣親擎虜書至嗚呼嗚呼三嗚呼我何嗚呼國無

義叔度痛哭亦何補三軍解體無鬪志戎戍以援援

師集部伍相望如雲擁嗚呼嗚呼四嗚呼我何嗚呼

國無勇外內挾攻失奇策裏糧坐甲將安用丁丑一

月日已巳

二十九日也

我執大夫投虎狼嗚呼嗚呼五嗚

呼我何嗚呼國無良賴爾三綱得不墜不然社稷

存亦亡翼日庚午王出城百官飲泣天為冥嗚呼

嗚呼六嗚呼我何嗚呼國無靈洪武天子太祖

王噓唏怵惕天不聽二月戊寅初八日也虜鋒旋世子

大君軍中留嗚呼嗚呼七嗚呼我何嗚呼國無謀歸

師一襲自一竒既當忌器鼠敢投自昔宵人動言天

其實成敗皆人為纔說天時豈容人遂令國敵無所

施議者皆言顯皇仁背之不祥大造在是言烏足

號國人使無德恩謂可背箕子立國武王初康獻

受爵洪武帝禮樂優優進中國名言堂堂此服內

恩雖骨肉有隆殺義在天地無成壞用夏變夷古未

聞去順從頌理則悖誰將此義說分明撐拄萬世無
休歇嗚呼既往莫可諫獨有人心不隨滅是書雖微
不食果珍藏百襲無墜失西方美人不可見小臣感
懷聊一筆

十一月十五夜雪月如晝李仲五

秀得

伯玉挈

壺來訪文遠亦自東湖至好會不約而成喜甚
有詩用牧隱集韻

高松戴白雪吾亦岸吾幘相逢欲相揖清孤意不隔
近者少人事門關常寂寂今宵友朋至雪裏紛屐跡
登高騁遙目月華頗狼藉清泠滿懷袖長歌倚翠壁

歌罷有餘響脩脩入竹石

有懷宜叔又拈牧隱韻同賦

不眠踏晴雪孤吟撫竹樹月氣瀉虛壁青天無寸霧
倘無我友至良宵幾度歌嘯發金石霄漢寄高趣
男兒百年事廊廟及耕圃此事已商量萬事一鴻羽
東巖有故人睠余一回顧

江上直舍令俞生命韻走筆草一首投宜叔伯
五二君之下

嘗讀翠軒詩一諷有餘悼丈夫不遇世有懷誰與討
哀哉二三子不廢平生好憂樂輒相求有如火就燥

痛飲作歌詞豪氣薄青昊顧視世間人未足充輿皂
志氣乃如此何得及老耄吾聞古朋友承筐求大道
寥寥鹿鳴意講之恨未到擇之固勝流蓋亦少頭腦
士華孤鼠耳所取豈文藻短褐貯奇璞胡乃不自保
人亡志不滅斷爛一編稿醉後每一讀悲歌淚浩浩
吾友有二子與我同此抱我生甚孤畸交際不草草
吳子仕方達頗亦擇所蹈李生氣卓邁寧復怨枯槁
蕭疎外聲利餘事無煩惱曠世一相感恨不及此老
不歎我生晚但悲公生早聚集不設期有興徑相造
沉寔無愧忤文章愈傑驚聊復適意耳豈恤群兒譟

昨逢韓山子一言為忠告吾儕并一世可敬不可傲
所勉君子道何遽自顛倒男兒生有志素履必可考
誰將百年事文酒以為誦我初聞此言心中煩鬱懊
我曹百年身如今頸半皓誰能不痛飲風埃一烏帽
歸來閉關卧飛霜流簷撩起行視夜色江空月如掃
靜思故人語未必非善導世道茫無涯匹士敢自暴
嘉言敵金玉吾敢私吾寶二子謂如何作詩以相報
十一月二十三日生朝有吟

今晨有酒食家人為我辰臨觴不能御有懷我二人
關嶺阻且長歲暮霜霰頻胡為嬰薄宦九旬曠昏晨

雷江集
弟妹雖在傍不如吾身親昨也拜手書十行意諄諄
憂我喜杯杓戒之勿近唇仰惟憂疾念吾敢輕吾身
睽離逢生日取醉似無因為酌一樽酒遙祝壽千春
司寇郎省小屏畫豎子八戲戲述

考鐘舞猿猿驚透抱鷄使閭鷄啄臂捕蟬恐飛莫撼
樹牽羊不前况蟄趾死魚貫鉤豈真釣拊膺酒悲實
非醉群囂難詰蓮子訟妄意偶中藏鉤戲誰將此畫
作小屏張之司寇郎省裏司寇郎省文簿堆昏愚謫
詐不可理禮樂不興鞭扑行下拂其性民風偽屈者
何苦伸者慶紛紛笑咄咄戲耳我欲更娶龍眠手此

中畫着一老子正色歛衽氣清遠坐令群兒皆走避

李子安

國輔

宅會宜叔伯玉看梅

過臘猶繁萼年華不共闌冰腮寧受垢雪骨自凌寒
何事閉門久應知行路難風塵吾亦倦一酌好相寬
伯玉宅會仲五宜叔大卿命韻同賦

故人有好期今晨起余早自慚非徐孺煩君一榻掃
寒暄除俗態一笑色不槁樽酒可能辭數子真好抱
五也亦痛飲豈欲從吾道敬父索我書字畫半傾倒
揮灑頗快意古法誰復討向夕微有雪脩脩竹聲好
孺文惠貺竹簡十五用綠管為謝

故人何所贈贈我以竹簡竹以立吾氣簡以策吾慢
是日門無客頽然屏擲盥擁被卧日中詩書懶不省
驚起拜嘉貺開緘色燦爛知君有意贈匪直充把玩
何物以報君將此一青管輸寫君子心安樂與憂患
吾衰欲省事文字謝點竄持以屬吾人且可置几案

雷淵集卷之三

雷淵集卷之四目錄

詩

西亭望月作歌

春城江閣有懷漢陽朋友

少歇樓有吟

乘月泛北陂

少歇樓令俞生剪紙寫韻自東至咸得三十篇

又絕句九首

戲贈邊叔建

八月六日家大人壽辰賦得古詩八首

雷澥集
八月既望泛舟北辟用農巖朴淵韻

將赴龜潭之期正愁水淺曉水大至喜甚成詩

示同遊用三淵韻

龜潭用瓶泉韻

中仙巖用龍華韻

上仙巖用寂滅寺韻

舍人巖書堂用宿村氓家韻

還至圻浦乘舟泝上島潭用月灘韻

浮小舟入南窟用翠軒觀音窟韻

出南窟徑至北辟用知足菴韻

堤川途中下馬憇楓林間有懷伯玉

和宜叔二首

將入春峽途中用農翁韻簡伯玉

宿丹丘鳳樓亭和李白紫極宮感秋詩

監司考永春曰民閑政清文酒亦好笑而有詩
憶文遠有寄蕪簡公弼

玉流堂次璧上韻

回舟登江亭

曾王考文憲公宣謚筵敬次席上韻

白華亭登眺

少歌樓贈酒泉金生

履衆

和訓宜叔伯玉見寄之作三首

送弟兒輩遊南泉寺獨坐無聊仍以肩輿隨至
菴子

以雨聲孤寺秋分韻得聲字寄伯玉

浮舟入京次龜潭以孤鶴思太清分韻得鶴字
宿清風凝清閣和舍弟清字

次輔兒孤字

新擢 御試榮覲桃衙敬次家大人韻

學舍諸生以詩賀余及第聊和一首

恠石植黃菊一叢數夜被雪吐花絕好

學中諸生問業寢進喜甚有贈

俞御史大哉奉命試士嶺南迤訪官齋有賦

偶登江亭有懷伯玉感吟

少歇樓與客賦詩

龜屏滬上人來訪得伯玉和余韻涕書其尾

次韻孺文見寄六首

聞伯玉葬日已卜不得臨穴哀極口呼二首

寄吳敬父

移官將歸學中諸生送至越州次韻為別

同宜叔早春東山登眺賦詩邀夢與

山居寫事時余入諫院以縣道進文字

夏日獨卧大樹下取涼

同宜叔宿鐘巖抽韻各賦

又次宜叔韻書懷

次尹富平慶一丈回甲壽席韻

秋夜同公弼廣文有吟

黃翰林大卿因園中索蘇州集戲成一詩

大卿問明日欲登高不戲作一首答之

重陽日廣文携酒來飲醉吟長律

次公弼憶月谷舊遊感懷長律

夜坐呼韻

曉起

次舍弟韻寄題族人笑谷翁

載重

田廬六首

禮部試院偶誦朱先生試院雜詩聊次一首

十月二十三日謫海南夜出東江二首

過錦江

宿公州次杜

宿金溝次俞使君子恭

肅基

韻

過蘆嶺

至朗州宿曹生家伯氏遷朗時居停處也二首
謫廬示曹俞二生

又用杜韻

是行也輔兜以鞍馬從喜拈杜韻贈之

遊覽林石川故居

用杜韻示俞生

輔兜有詩和之

又和贈輔兜

又和長律

又和

臨津舊必宣時慶徒步千里傳老親平信感贈
送宣君付書弟姪寫懷

登眉巖

玉泉曹季玉

錫琮

見訪乞詩次韻以贈

書牖左謝賓客之欲談方術者

次俞生述夢二首

田家為設豆腐

和公弼見懷二首

道岬拱上人來訪談湖南山水贈以一詩

時居愁寂時誦晦翁詩松汀朴生致一帙喜贈

朝起冬青葉上有雪取食甚清用晦翁韻

雪中懷少林遊客用晦翁奉詔敬夫韻

少林遊客歸詵入山諸作就次一首

次輔兜天字二十韻

追和曹生冬至用杜韻

又和途中見憶作

和睡翁崔公禧韻謝曹生來訪二首

又次睡翁韻

奉和槎川李丈見寄韻述懷

敬次家大人下示生朝見懷韻二首

步月柴門乘興至南川
橋眺望久之得一首
和贈白生泓源

次曹生用杜韻喜余蒙
恩宥作

用晦翁韻與諸君同賦

詩謝珍島太守餉橘

次韻贈宋生信夫

九哲

上元夜步月南橋次兜輩韻

崔老重予徒步數十里餉甲鮑瓶醪感而贈詩

金溝凝香閣題贈俞使君子恭

至公州訪安丈

宗海

不遇題梅閣二首

借居紫北玉流堂送兜革先歸拈韻戲贈

與舍弟步月得韻

李應教

度遠輓

尹侍讀

得敬輓

和徐侍郎虞卿

命九

同舍弟遊楓溪述懷韻

僑居泮水東村

遊青霞洞次主人洪希天

聖源

韻

又用三淵集韻示主人

余之僑居玉流也雲水僧新築精舍偶憶成詩

題寄宜叔直廬

小醉有賦簡文遠約既望一遊

鷗湖舟中以白露橫江水光接天今韻得天字

放船次接字

次光字

次水字

次江字

次橫字

次露字

次白字

翌日夜又泛舟江中月色如晝喜用前韻八首

輓人

簡寄李副學士受

鼎輔

水村僑居

紙牕

簡文遠

玄先達

光宇

內子輓

耳鳴如松風往往以耳聽耳欣然忘病

送別洪校理壽爾

重一

燕都書狀之行

薇陰李處士君重

鼎燁

為余彈琴

雷淵集卷之四

詩

西亭望月作歌

己未

人心樂月亦好人心不樂月不好青天夜夜有明月
人看月色好時少憶昔避寇去漢陽老幼提挈松山
道道上花開三月半山頭出月何皎皎月出皎皎無
人看千峯萬峯自昏曉曉發德溪人煙絕惟有古木
鳴山鳥西林殘月照客衣舉首欲望淚浩浩一宵回
薄萬古心劇知哀樂無時了自古皆言赤壁月長公
豪氣凌蒼昊洞簫哀怨將奈何歡樂極兮憂心悄公

子王孫終宴夕歌鐘舞女何縹緲酒醒客散還寂寂
空餘明月窺臺沼百年一瞬何足望玉兔笑人鬚眉
皓年年望月月相似歲歲看人人盡老對月孤吟興
飄飄此月應經照蓬島蓬島神仙近何如恨不從君
學道早

春城江閣有懷漢陽朋友

官閣吏人退風瀨入幽聽漁釣各歸家窈窕松林暝
昨夢踏華山山深初罷磬惆悵如有待孤琴繞石徑
夢回江有月撥衾露兩脛所懷在漢陽中心何瑩瑩
江畔多芳草願言掇為贈

少歇樓有吟

滄洲過雨只半日物色青青如復春村童十二已把
釣江鳥一雙長近人下邑樓遲聊爾耳故園龜夢自
相因沙邊父老莫偃樓我本與渠俱散民

乘月泛北辟

吏退渾無事琴樽初下樓山高七仞月沙皎五更舟
維海猶奇氣文章是拙謀南院堪永夜伴宿有雙鷗
少歇樓燕坐無公事令俞生剪紙寫韻自東至
咸各二字走筆成章凡得三十篇

四郡皆濱水蒼然石色同他年滿船載瀟灑鬱林風

其二

鷺立多幽石雲來有靜松無心是佳境漁子或知儂

其三

眠鷗初刷翅煙翠欲渾江絕境須先見披衣坐曉窓

其四

江鳥小如粟絕江飛亦奇脩然山雨集老子還一詩

其五

牛羊下日夕籬落澹餘暉田翁占雨氣鷗鳥盡高飛

其六

漁子傍水去釣來大鰕魚何從得此物偶值踈雨餘

其七

十丈風埃裏牛箱與馬芻漁翁好鬚鬢終老有江湖

其八

山徑少高木不禁巾幘低幽鳥惜花落飛迴向客啼

其九

名山一着好驟着應更佳銅章似流水去住不關懷

其十

日出朝霞蔽村籬面面開遙山叢翠色冉冉近船來

其十一

久客得自放魚鳥也相親焚香為道士開印作官人

其十二

先輩有歌曲白雲勝青雲
定知雲意思青白又何分

其十三

江聲自高枕山雨不移樽
忽得陰城札終非煙火言

其十四

我友風塵裏應同此月
省何方換凡骨吾不惜金丹

其十五

少日能快飲對酒氣如山
不見吳生久蕭颯少歡顏

其十六

對酒思黃叟

進士黃櫨
居水北

談詩訪素禪

詩僧體素
居南泉寺輿徒

鄰屏去來往一樵船

其十七

峭壁好橫笛雲高笛更遙古松好飲酒風清酒易消

其十八

殘磬何山寺欲尋山徑繞登高試一望孤絕似禽巢

其十九

不知江水大惟覺酒船高白鳥事奇格翻身入亂濤

其二十

雲氣石如舞江聲月共多孤琴那抵得按曲惱雙蛾

其二十一

霽氣翻鷹隼慈心長麥麻秋來了公事一醉野翁家

其二十二

野人有所獻九節色蒼蒼吾自有藤杖亭亭如爾長

其二十三

南窟石無色北壁沙有聲勝境不多語着吾幽意生

其二十四

月生遠渚白雲盡斷崖青漁歌有古意清絕與誰聽

其二十五

曉色猶孤詠青娥倦剪燈忽着汀月出西閣又高凭

其二十六

牛歸村徑熟鷗戲江渚幽共是得意處吾還一輕舟
其二十七

潮來荻蒲短潮去沙坻深蒼蒼宿鷺起微月在江心
其二十八

驅犢人歸岸擔囊僧下菴沙邊開小市酒旗濕青嵐
其二十九

得意惟孤艇消憂有亂籤於焉吾事足難使一物添
其三十

遲日烏皮几清風白苧衫商量無別事樓外數風帆
又絕句

雷淵集
疎雨落江水白鷺身自聳去去北壁色孤舟上瀨重

其二

泉清衆木影嶽老孤雲控山澤一卦義久矣吾不講

其三

吾與鷺一雙雪鬢照清水春陰落疎雨鷺起吾亦起

其四

何日秋風至水落鴈啣葦青蘼植江岸濯足踞船尾

其五

簑笠帖兩肩月岸與雨渚如狂實非狂一笑吾知汝

江上有一漁父善食酒罍魚買酒
傾筍乃已江上人皆笑之以為狂

其六

風塵四十年常恐機心在偶出江渚上魚鳥顏不改

其七

江月故多色江雲故多態色態吾所憎在雲月可愛

其八

兩峯對翠光樹草山燒盡安得秋風起高飛一蒼隼

其九

吏隱是強名世豈有吏隱一日不開印始信斯名近

戲贈邊叔建

邊上舍叔建來宿縣齋為辦小筵叔建酒酣

起舞余使秋江月蓬萊仙二妓對舞叔建甚
愛之座客有稍近妓傍叔建輒麾去之至夜
方覺其為知印也叔建亦無忤也大噉不已
余固知叔建豪士也為賦一篇以嘲之又使
和韻解嘲

秋江有明月可望不可攀蓬萊有神仙可見不可親
邊子顧之笑瀟灑出風塵錦衾抱清光舉手接芰輪
南山以為看北海以為擗酒酣舞渾脫長袖拂秋旻
噉唾起風雷百魔皆逡巡歸謁南夫子意氣何翩翩
夫子枯木形據梧無一言月色不可把天下寧有仙

爾知真中幻寧知幻中真要知幻中真且去齋爾身
不如葷一月不飲酒三旬又去爾態色然後乃可聞
邊子莞爾笑知我手中蓮稽顙願歸依白首不相捐
八月六日家大人壽辰用君子萬年介爾景福
為韻賦得古詩八首

秋中日之六君子初度云子孫來湛湛賓朋亦闔闔
拜起迭獻壽樽中酒氤氲脾臆頗登俎燔炙氣如焚
堂下進管絃堂上羅紅裙舞多鼓不勝醉客起紛紛
江曠日氣深是夕天無雲况復居處崇畫閣臨江濱
閭里爭來集老稚各成群桃源民俗淳稼穡亦已勤

禾麻接里陌，鷄犬聲相聞。及茲農事歇，男女罷鋤耰。
所以樂終夕，而無思慮分。不然雖有酒，何得樂欣欣。
願言酌一樽，百拜獻吾君。

其二

中堂旣肆筵，酒醴多且旨。君子且宴息，童子授以几。
有客鬚眉好，執爵座中起。顧言多酌我，我欲壽夫子。
人生年七十，頰亦改髮齒。夫子獨何養，顏貌愈清美。
豈緣居養厚，蓋足觀素履。夫子洛東廬，家貧闕蔬水。
仕宦三十年，不以一芥累芻豢。不充口，芬華不留視。
雖居府伯尊，介然一窮士。吾觀松柏樹，獨立風霜裏。

榮落不隨物秀色方如始物理固如此宜爾壽且祉
衆賓皆起拜客言良有理善頌又善禱可以助燕喜

其三

君子乃率爵復酌為客獻小子爾為辭且為客祝願
余乃揚觶言願客壽千萬黃耆以羽翼身體日強健
雖無甘脆供庶幾加飡飯雖微服食術庶幾無疾困
雖無喜樂事心內無憂懣父老相嬉游兒孫且謹愿
在邦稱善士在鄉亦無怨於是客率爵下席首一頓
君子啞然笑爾祝真達論安分且知命可使吾曹勸

其四

夫子昔言孝顯親為大焉古人不祿養君子稱其賢
我少聞此言撫躬恒悚然老大不聞道蕭颯送逝年
況復家世貧養老缺粥饘上堂拜父母默默心自憐
中歲受一命下邑聊蹢躅君子宰桃源江路相繇
延簿書既清暇境界且靜偏叨陪淹日月兄弟共周
旋雖乏甘旨具樂意中自全於焉作歌詩一一被管
絃中有訓誡辭銘佩敢忘旃戒我學不勤憂我志不
堅吾衰志日退瞿瞿恐忝先沉歎不能寐三復小宛
篇

雲鳥何凌厲江鳥何耿介我歌洛生永爾舞渾脫快
歌引羽觴遲舞蹋華筵壞衆賓皆已醉靡靡風松拜
君子色愉悅終宴不疲億吾生多不平遇樂悲常屆
今辰樂事全沛然無滯芥解脫諸煩惱逍遙極樂界
維南有大星永夜發光怪流光入酒搏湛湛如新畫

其六

吾王御萬民其理孝弟始稱觴壽壽母冕服
以拜跪推恩及人老風厲邦之士牛酒及黎庶為
爾助甘醴三韓耆耆家恩賜靡不被拜舞向止
闕歌鐘被閭里君仁乃如此報答欲何似卿士靖

爾位庶人勤耒耜小臣誦魯詩稽首祝繁祉太平千萬年眉壽無害爾

其七

吾聞東海上云有仙人井水色湛以綠其深不可綆
中有十丈蓮華萼何炳炳仙人伯陽生餐之能駐景
千年不改顏韶華若桃杏世人那得見雲山空引領
秋風落三島東海寒波靜願言駕一葉浮游入仙境
舉手攀瓊蘂採擷如藻荇歸來獻爺孃壽與天河永

其八

白鶴將九子寄巢在幽竹有時鳴相和清響徹空谷

而我志孤悄處世恒如獨田園豈不樂猶復懷微祿
乞暇省父母桃源隔一宿厭厭進壽觴翩翩舞彩服
榮觀洽里閭歡情遍婢僕微霜落江渚天氣何清肅
攜妓登彩舫遙遙過雲木天高酒筵敞雲遠歌聲逐
君子戒太康正襟色清穆嘗讀洪範書康寧居五福
小子樂無數重獻南山祝

八月旣望泛舟北壁用農巖朴淵韻

石色貴生活活者蒼以黛北壁三千仞秀色不破碎
驟起立江干覆以青天大峯出遍高下星宿得無礙
白雲終日游不出範圍內江鳥喜高飛唐突透煙靄

到此每回翔磔磔墮松檜我見欲起拜悄然整襟帶
中峯最奇拔英氣壓滄瀨何來華嶽隼矯翼清秋外
東巖太蹲踞恠狀不可駭冉冉百羅漢拱揖各異態
南硎研以青獨與鬼神會於焉嘯歌高劃劃有應對
夜闌月已高蓬底集虛籟群仙倘可遇一杯吾將酌
小舟屢回旋瓌觀劇遞代崩崖來偏側鏗然憂吾珮
醉起剡碧苔大筆記吾輩

將以舟楫赴伯玉龜潭之期正愁水淺今曉峽
水大至小舟已流下江中矣喜甚成詩

多少上游兩江水遂如此天晴訝驟至地豁駭遠被

小舟動不禁中含萬里意我興湧如山賁育挽不止
白鷗莫輕薄遲我與俱起

示同遊用三淵韻

八月十九日月谷寄書至約以二十四日置
酒龜潭二十三日與文遠子游及俞生浮舟
下丹丘夕宿島潭翼日前棹至長淮沈氏村
月谷已來待而吳友叔寶璞月谷之弟瑩叔
吳察訪珙俱夫約人於半千里之外指日而
為期其不相睽背如此豈不奇哉傾瀉之餘
各賦古詩一篇

沙上人如鷺舟中吾已見莫是我友至遙遙不識面
催棹稍相近喜色眉間遍江山得吾輩雲物增爛絢
蒼然古壁色不與浮世變意氣不相負亦足充吾眎
向夕更攜燈寥寥宿深院秋天欲沈寥悲鳴鴻片片
憂愁凡幾端一笑可相遣焉得半輪月皎皎峯頭現
神清不成眠夜闌猶輾轉呼酒復一中野盤松輩薦
勝遊可無記揮毫自不倦

龜潭用瓶泉韻

秋雲一何高秋水一何潔以吾叅其間瑩然肝脾澈
魚鳥亦知吾飛躍俱可悅龜屏太戕削粘天無洞穴

十目皆屬汝不數衆峯列微霜落江渚楓枯紛繡纈
懷哉山澤意久矣鷗盟結彷徨遂至今蕭疎兩鬢雪
勇起無一戀安得如爾決顧笑月谷子與子欲成說
江山一千年英豪幾箇閱沉吟發永嘅遙夜燭不滅
中仙巖用龍華韻

舍棹涉山徑馬鳴楓樹外懸林掾栗細走澗鼉鼉大
霜高石愈潔碧流互暎帶三巖固多勝幽窗中巖最
遊人紛起居醉面落水背杯酌迭往來歷亂如新繪
水鶴太超忽高飛透暝靄我興與之俱冷然脫埃壒
今宵岳北寺攜琴宿雲檜樂處不久稽此意當冥會

上仙巖用寂滅寺韻

秋泉響易哀霜露灑高林我興在雲表未道仙巖深
而我昔來此芒鞋履峯嶽流觴俯素湍題詩剡翠岑
迢迢宿僧室殘磬月未沉今來鬢髮改未改惟夙心
拄策眄霞標處處憶登臨長歌懷遠遊秋氣何蕭森
巖徑繭將晦幽澗集鳴禽踟躕久未返聊為招隱吟
舍人巖書堂用宿村氓家韻

曉色入澗戶青山響水杵霜高樹輝輝潭虛月處處
沉冥與神游天籟雜笑語溪山曠以清偃仰爰得所
荷篠逝已遠客至誰為黍狂歌懷隱士霜露肅天序

朝暉起猿鶴騎馬吾當去回首戀古壁蒼峭吾與汝
男兒百年內浪跡知何許他年倘再訪蘿徑幸無阻
還至圻浦乘舟汴上島潭用月灘韻

三島出白雲去人只數尺漁父瞳眉澹安知非羽客
秋風在洲渚渺渺薰葭夕孤舟倚霜崖下見鴻鴈跡
風水激成文何往非吾易君顏已蒼老我髮數莖白
垂老益清曠不知浮世窄胸懷得天放萬化皆吾適
銅章亦何累古有陶彭澤

浮小舟入南窟用翠軒觀音窟韻

君子樂夷曠亦不廢輿境大木一千尋匠者或取癭

南窟雖奇詭意氣却峻整重巖太爾森白日不漏影
競起怒蛟聞決驟渴馬騁勇士發壯圖懦夫爭縮頸
化翁劇簸弄奇變生俄頃潭水不知色颯颯衣巾冷
列炬數百步搖搖引舩艤笑語出洪鐘魑魅詎敢逞
回棹自銅標稍見林暉耿厯險得平途相顧發深省
出南窟徑至此辟用知乏庵韻

出峒始遠眺江山餘日勢徑趨北壁舟清興浩無際
崖岫厲高秋霜露滌氛曠灝氣襲群鷗翔鳴起浦溼
鷹峯太英妙仰視欲墮髻玉笋君見否與此可魯衛
安得千尋瀑雪沫灑薜荔倒射碧空外直下無拘滯

又何得長松百仞托根抵枝條覆江水舟中得蔭翳
吾友洛陽來夙期在松桂一笑贊吾言知我興不制
雄詞爾莫停千句如翻偈吾雖不飲酒亦足驚今世
濡筆寫大字勿使蒼苔蔽後來更何人留與一凝睇
勝遊豈久戀苦樂元相替歸來對簿牘不足充睥睨
堤川途中下馬憇楓林間有懷伯玉

自我騎馬出峽中馬首日日看丹楓川邊石上尤奇
絕千樹萬樹相映紅林中下馬為盤桓遙憶故人金
劉山金劉山中常早霜紅樹處處應堪攀故人此時
意如何欲往從之路漫漫

和宜叔

耿介懷人意蕭蕭落木秋東齋初秉燭北壁未同舟
湖海餘奇氣風塵想倦遊平生松桂約為爾且淹留

其二

霜露滄洲迫鴻聲颯已秋白雲生拄杖紅葉照行舟
乍罷江湖夢聊為城郭遊行藏多少話遙夜一燈留
將入春峽途中用農翁韻簡伯玉

我昔浮青翰迢遞出江關仙人丹丘子相識碧雲間
遺我白玉笙期我宿三山豈無遺世心霞扃逝同攀
故人在漢中一日腸九還踟躕未言歸猿鶴笑我頑

天寒蛟龍蟄願子莫垂綸曷不從我遊滄浪滌塵顏
臨風懷德音明月照清灣

宿丹丘鳳樓亭和李白紫極宮感秋詩

鳳飛九千仞欲棲琅玕竹竹田何蕪穢青實不盈掬
徘徊久不下歲暮悵幽獨衆禽不可隣悲鳴何處宿
覽物發永慨吾生遂當卜迷塗實未遠攬轡猶可復
白雲在南山隨風自翻覆行矣勿復陳商量吾已熟
監司考永春曰民閑政清文酒亦好笑而有詩
醉欲同民樂醒能述以文滁州上上考愧殺白鷗群
憶文遠有寄蕪簡公弼

雷江集
子美故人高適老嗣宗諸姪阮咸賢山樓對酒空相
憶流水寒雲日渺然

玉流堂次辟上韻

庚申

五月林垆尚有鶯覆階槐柳綠陰成平生自信心無
累半日溪山却復情

回舟登江亭

十二朱欄出水虛清樽徙倚意悠如絃歌敢擬武城
後鱸謁將尋句漏餘太守醉時惟射奕遊人歸盡自
禽魚數村桑柘沾新雨野老生涯亦不疎

曾王考文憲公宣謚遙敬次席上韻

昇平追獎 肅王臣節惠 恩言降 紫宸考履端
須論厥世易名真不愧前人文摹兩制絲綸手憲象
三朝靖獻身迎 誥廟門絲管咽華筵稽首感懷新

白華亭登眺

片雲不去與人清南渚漁歸釣艇橫吹笛祇應蒼壁
好置亭端為小潭平依林井落舍初霽接陌鋤耰喜
晚晴取醉不愁江路黑月輪猶有七分明

少歇樓贈酒泉金生

履衆

江山未信故園非燕坐琴書意不違沙鳥忘機聊共
住嶺雲滿目欲同歸酒泉縣古波濤濶百濟城深草

雷詩集
樹微解說三分興廢跡悲君白髮一儒衣

和訓宜叔伯玉見寄之作

水閣鈎簾夜色幽停雲睡鷺得同休桑麻意足村墟
雨蘆葦聲疎浦興秋未判浮家聊入海可無長笛更
登樓閒忙境界休分別廊廟江湖一是憂

其二

烏帽何堪換角巾江湖已卜白鷗隣松寒不怕秋風
早蟬老應驚曉露新水石嬰情非遯世薰葭滿目更
懷人遙憐洛社風流事酒榼詩筒日見親

其三

江月娟娟漸滿天
松聲虛閣不成眠
煙村暝色初歸
犢汀樹新涼未罷
蟬堂額題成坐
嘯字山名抄入
卧遊編林僧報道
秋光晚桑下將
謀一宿緣

送弟兜輩遊南泉寺獨坐無聊仍以肩輿隨至
暝色翛然起遠林
閒齋睡罷聽禪吟
少年相與入山
去老子何能閉戶
深雨氣村邊桑柘
老秋光谷口薜蘿
陰招提祇在孤雲
外酒興詩情更不
禁

菴子

蘭若千峯上迢迢
過兩宵軒窓元自
曠星月未成遙
江色鳬鷗夢秋聲
蟋蟀謠高風一磬
子塵事與人銷

以雨聲孤寺秋分韻得聲字寄伯玉

久客逢秋意不平
邠堪汀樹聽蟬鳴
遙沙警鴈知霜氣
永夜飛泉作雨聲
洛下故人前日夢
雲邊孤枕此宵情
漾湖水色今何似
且具輕舟待我行

浮舟入京次龜潭以孤鶴思太清分韻與弟兒

輩同賦余得鶴字

五老峯前江水綠
五老峯上江雲白
江水綠江雲白
漢陽歸客吹玉笛
舉酒欲勸清都客
清都仙客曾相識
顏如桃李瞳眉碧
手持霞幢騎黃鶴
黃鶴高飛不可攀
風塵十載音塵隔
音塵隔孤舟悵望三山色
三

山色空悵望秋風鴈唳薰葭夕

宿清風凝清閣和舍弟清字

高枕何須計水程且欣今夜宿凝清亭臺幾處添新
構榆柳前洲帶宿情往事江山渾可識流年鬢髮自
堪驚稽山琴老登仙去獨有鳴灘寫舊聲

次輔兜孤字

驪口波濤淡不羸中流緩掉好風俱洲前并落居人
靜沙際蒲蘆睡鴈孤自有人情戀京國敢言吾道在
江湖年年舟楫來還去強使漁翁笑我愚

新擢御試榮覲桃衙敬次家大人韻與李伯

尹碩臣同賦

躬裡魯泮復 神孫曠世儀章太史言幸逐儒衿觀
國舉誰知名姓徹 君門進身文字繇親訓被體簪
袍識 聖恩懶拙自非供世具祇應謙畏寸心存

學舍諸生以詩賀余及第聊和一首

曾陪 玉座混仙真 勅賜丹袍暖似春九級吹噓
皆帝力半圍皮殼豈吾身踈慵不合飛騰地耕釣難
忘寂寞濱是處江山聊託意一樽來醉菊花辰

恠石植黃菊一叢數夜被雪吐花絕好

石仄危能附宵寒弱更支及秋先作意戴雪益生奇

羈旅人相伴清高心共持南山也在矚觴詠不為疲
學中諸生問業寢進喜甚有贈

選士雙齋闢鳩糧一歲支多渠互鄉進了我子雲奇
正學須師教成材在自持男兒百世業強勉莫言疲
俞御史大哉奉命試士嶺南歸路遙訪官齋
遂與舟游北壁有賦

野亭停駟騎江檻置深杯揀士憐清鑑勗民愧拙才
天晴宜放艇秋晚惜登臺京洛浮雲外能無名命

催

俞公新拜
玉署故云

偶登江亭有懷伯玉感吟

平生懶拙友朋稀獨向吾人意莫違寄臨風埃聊冕
綏樓心江海只蓑衣百年自信孤懷在一慟誰憐萬
事非明月不知浮世事夜深同載釣船歸

少歇樓與客賦詩

宴坐少歇樓客曰樓名少歇嶺名安得歇雖
欲少歇安得歇余率爾應曰草有當歸鳥有
不如歸定是當歸不如歸相與大噱遂成一

詩

湍目民憂安得歇二年游宦不如歸滄洲九曲聊乘
興月覆孤舟雪覆衣

龜屏湜上人來訪縣齋展其詩軸得吳伯玉

余韻一律不覺涕淚之沾紙聊書其尾

憶與東巖子同尋支遁家晨筇隨落月宵酌撥流霞
浮世紛歌笑空山自物華他鄉轉幽獨不復看梅花
次韻孺文見寄

曠達莊生意鶴鶴只一枝巢居元避雨飲啄自知時
從古知言少如今見事遲君詩大徹我讀罷更貽誰
其二

傲兀一皮几清雲東洛東全生今世態難化自家風
未害謀身拙邴堪與俗同從前商畧事獨及古人中

其三

疎狂聊任性間達遂忘情在野慙民秀賓王匪國楨
難窮百年事敢以一身榮注目憑山閣江河日夜清

其四

展也吳夫子襟期與我親蕭疎遠聲利靜密見經綸
社稷平生志江湖造次身那堪死別恨痛飲不成巡

其五

對酒繁愁思高歌望遠霄霜清飢走歟氷壯滯歸橈
歲色已如此春風應未遙袁安一徑雪可望不堪招

其六

漫設江湖約悠悠度幾秋無將習池馬不及剡溪舟
吾道慚朝隱時憂獲野謀何時一款段問我灤南樓
間伯玉葬日已卜而限以官守不可臨穴一慟
哀悼之極口呼二絕簡寄文遠孺文廣文諸君
子

天喪好人如揀出百年吾道果終窮廣陵風雪須着

葬不廢先生愛士風

伯玉名位既顯樂善下士此一
着極高其歿也宜以此受報於

士今其塋願諸公往臨其穴毋以風
雪為辭用彰其平昔愛士之風也

其二

且令撫殯終何益斷送九泉尤野然湖海風流誰得

似也須來吊白鷗前

寄吳敬父

寒梅獨偃寒落落霜霰暮馨香故未沫胡不相伴駐
迢迢永春江鬱鬱廣陵樹君去不回顧哀哀淚如雨
首二句即尊伯氏月谷語也八月中月谷夢
與余賦詩而得此二句既覺而異之要余續
成余諾而未果也無何而月谷卒且葬矣自
惟此生畸窮寡偶自失月谷吾道益孤百年
事已可知矣豈其夢寐所發先為之兆而且
不暇自悲而悲吾也歟悼慟之餘始乃續成

六句篇成而無可寄聊以示敬父義洋之絃
從此斷矣悲夫悲夫

移官將歸學中諸生送至越州各獻酒與詩次
其一首為別

南飛一鶴過江天赤壁舟中爾亦仙
永春有赤壁 籠去風塵何日返白雲明月看依然

同宜叔早春東山登眺賦詩邀夢與
辛酉

對酒愛芳草早春東嶽期新萍纔覆水好鳥自知時
第宅城陰迥槐杉苑日遲南村須折簡幽事與人知

山居寫事時余入諫院以縣道進文字

雷波集
積雨新收戶牖明
池園初見綠陰生
封章欲付州家去
却愧林鶯盡意鳴

夏日獨卧大樹下取涼

樹根淨如掃
移日曲余肱
鶴恠頻來見
鶯呼漫不應
山青眼獨往
雲白睡相仍
隨分微涼得
何須玉井冰
同宜叔宿鐘巖抽韻各賦

為誰重欵北山扉
草閣蕭然帶晚暉
拂壁心驚漁釣盡
緣溪淚落薜蘿衣
風槐不廢留人意
啼鳥如知送客歸
一曲裁洋從此斷
世間真覺賞音稀

伯玉嘗編
吾三人唱

和諸作名
曰裁洋集

又次宜叔韻書懷

却悔重来此休提疇昔遊極知悲亦妄猶自淚長流
萬事雲生嶂孤懷月入樓吾曹尚飄泊進退孰同憂

次尹富平慶一丈回甲壽席韻

瑤環猶昨夕花甲且今年壽母湛華酌娛賓敞錦筵
騎牛獻畫日飛鵠放生天妍好兜童在婆娑舞袖前
秋夜同公弼廣文有吟

城郭秋風晚微吟繞北林殘經聊信道浮世少知心
月檻留孤客霜空聽遠禽登高佳節近鄒得閉門深
黃翰林大卿以史薦不焚香禁推累日貽書索

蘇州集余復書曰蘇州名利外人不可使入園
囿中徐埃相對掃地焚香一讀之未為晚也戲
成一詩

韋老元非名利人焚香掃地也天真殘編合置寬閒
地肯伴蘭臺繆綫身

大卿問明日欲登高不戲作一首答之

圓扉風雨夜來寒端悔從前做好官落帽固知年少
事奈君頭上自無冠

重陽日廣文攜酒來飲酒盡宗人坦甫

履重

傾

囊繼之醉吟長律屬諸君

踈風冷雨駱山東佳節登高習俗同落帽未應豪士

舉

自註落帽桓公座何得為豪氣

插萸聊爾古人風秋生城闕悲遊

子木落江湖叫遠鴻籬菊也知浮世態一叢澹白間
深紅

次公弼憶月谷舊遊感懷長律

萬事真成百世遙廣陵秋草日蕭蕭琴無識曲絃初
斷鶴為思群氣不驕遠席賓朋非昨日滿城風雨負
前宵極知太上忘情在叵耐重聞伐木謠

夜坐呼韻

鳥雀歸巢罷村墟歛薄煙槐杉散清月霜露淨遙天

京闕銀河側山城錦樹前
艱虞眠睡少拄杖意茫然
曉起

落月去城遙清霜下庭多
獨來黃菊畔自數夜開花

次舍弟韻寄題族人笑谷翁

載重

田廬

布褐荆釵葦戶中身兼汲婢與樵童
極知原子貧非病耐到安時樂也同

其二

笑谷於龍尚峽中水饒青草山不童
牛兒肥健柴荆整煙翠一村生事同

笑谷在龍仁

其三

晦老幽棲寄此中廢園花石及吾童如今免被耕畬
否護惜端須種芻同

笑谷即晦谷公舊基而翁乃其曾孫

其四

種麥山田賦下中養樹園圃子童童窮居活計如斯
了至味還應隣里同

其五

夜織簔衣瓮牖中手將棗栗賦兒童時逢隣子攜書
至為借燈光四壁同

其六

飲射曾叨鄉黨中分曹揖讓及髫童京洛十年風俗

雷江集
變洞規猶喜舊時同

禮部試院偶誦朱先生試院雜詩聊次一首示

尹令景孺

汲

病却文園事悠悠過一秋正聲迷雅頌奇字昧玄幽

玄幽

謂思

玄幽通

簡藝無清鑑觀光有勝流每當成壞處朱

管為遲留

十月二十三日上章論事蒙 恩謫海南夜出

東江馬上有吟

朝封白簡拜 明君夜謫南荒雨雪紛城闕天寒鐘

鼓動孤臣馬上最先聞

其二

臣罪惟知萬死宜南州放逐也 恩私歸田省計慚
孤負莫遣西林睡鶴知

過錦江

一曲滄浪可濯斯孤臣行色敢遲遲洲前白鷺閒如
許雨打蓼蘆睡不知

宿公州次杜

江濶公州古戍寒山城日落角聲殘歸鴻不罷高秋
響缺月猶懸故國看才薄顧慚論事拙時清敢道盡
言難南荒亦自吾 王地飲啄應須在處安

宿金溝次俞使君子恭

肅基韻

狂言一發世驚疑
論議紛紛劇亂絲
欲塞弊源敦士節
敢牽私好廢官規
平生不識機關事
夷險從他造化為
安得如君置臺閣
恢張公道擊淫訛

過蘆嶺

蘆嶺自蕭瑟
更兼雲日涼
維天限南北
特地設關防
行旅各回首
山川空斷腸
安危向前去
吾道異王陽
至朗州宿曹生命肇家即伯氏遷朗時居停處也

窮途人事劇悲涼
歇馬朗州如故鄉
賢主逢迎渾舊

面一搏選夜話行藏

其二

太華居停有舊窩半庭松竹為摩挲
兒童盡誦湘潭句九井峯前掩涕過

謫廬示曹俞二生

逐臣千里路風雪海天寒才薄難供世
年衰欲問丹支離吾道拙飄泊
主恩寬一樹冬青色真須與子
看

又用杜韻

此地猶恩譴孤臣敢憶歸浮天兩鄉月傍海一柴

靡覓夢 君親際江山信使稀平生忠孝事慚愧素
心違

是行也輔兜以鞍馬從余始以弱年遠役為憂
及其在途乃能整頓行李扶將跋涉不惟不使
余憂反使余徃徃忘其去國之愁殊非始慮所
及也喜拈老杜集中韻贈之

不忠吾去國無罪爾隨翁嶺海心應折憂歡色自同
相將顛沛際要似燕超中止望晨昏隔著渠思不窮
遊覽林石川故居

紛紛世事足悲歌妻子同歸卧薜蘿海上孤舟能早

泊不知風浪夜如何

用杜韻示俞生

窮道相須有可人即着萬里似此隣
崎嶇海嶠扶將健瓊尾行裝點檢親
常恠清癯非俗狀却於憂患見天真
玉流一曲存長計他日歸來兩幅巾

輔兜有詩和之

重瀛絕嶠苦難平客枕頻驚旅鴈鳴
雲氣晦明隨海氣風聲浩蕩雜潮聲
心惟許國無他累身為思親敢自輕
一橐詩書聊點檢小窓今夕得新晴

又和贈輔兜

雷淵集
少年奇氣欲無前，歷覽名山又大千。
獵子漁商何用別，錦囊努力好詩傳。

又和長律

歲暮天涯霰雪繁，孤臣留滯海南村。
依風老馬歸心動，叫月寒鴻去翼翻。
夜燭屢題風土記，晨衣半帶瘴煙痕。
他鄉活計猶堪賦，江浦家家橘柚園。

又和

海雲如雪月如霜，鴻鴈聲聲過嶺長。
此夜孤臣無夢寐，羈愁不獨憶家鄉。

臨津舊丞宣時慶，自漢師廷步千里訪余謫居。

為傳老親平信留數日告歸感其意贈以詩

徒步尋遷客南荒路一千衣裳晨犯露飢渴夕投烟
古道窮時見人情分外偏自慚疎世態何得被君憐
送宣君付書弟姪寫懷

欲作家書意不平吾家知在漢陽城書中不道相思
意故作無情緩別情

登眉巖

柳公希
春故居

自我客南溟不唾眉巖石幽洞有微徑如見古人跡
拄杖發商謳山月照蘿薜

玉泉曹季玉

錫琮

見訪乞詩次其韻以贈

釣竿滄海上知子謝塵喧潛德徵三世清襟了一言
天霜鴻自厲籬雪鳥相存為問湘潭客蕭然過華門
曹生以尤翁滄溪南溪文巖陶菴
所撰三世墓文見示故第三云甫

書牖左謝賓客之欲談方術者

禍福惟應到日知不客人力強推移平生惠迪吉三
字豈以窮通敢墜斯

次俞生述夢

俞子新題述夢詩兼因羈旅歎吾衰榮枯已了春婆
語勝敗無關鶴觀棋雪徑寒香生橘戶曉窓孤燭擁
經帷驅除萬念惟隨分抵恐庭闈尺素遲

其二

星斗闌干欲滿天，孤衾淒冷不成眠。
鄉心易動寒梅發，客夢難圓曉鴈前。
攜笈西山吾竊比，挈舟南海子能然。
平生自信詩書力，不怕蠻荒有瘴煙。

田家為設豆腐

野岸泉流碧玉田，家豆子黃軟飽將汁滓。

周禮醴齊註
汁滓相將

細切雜椒薑，沾匕驚枯肺。加餐愧異鄉，梁膏寧不美。
澹素竟難忘。

和公弼見懷

京華消息杳雲端，尚憶江干別意難。
靜坐半生猶福。

力敢辭千里動征鞍

其二

橘林風雪板扉開去國離家一病雷
祇是清狂舊習在飛書南浦乞寒梅

道岬拱上人飛錫百里來訪逐客
劇談湖南山水窮日夜無倦於其歸
贈以一詩

九節枯筇一衲衣青山長共白雲飛
惠然來訪湘潭客竹屋懸燈宿不歸

畸居愁病時誦晦翁古詩尤覺有味
恨未得全集讀之松汀朴生乞諸其
隣為致一帙喜次集

中齋居誦經韻贈之

孤居靡所娛我室豈無書常思晦翁詩真澹與道俱
誰能致一帙紙窓朝曦餘愧子意良勤令我心克如
朝起冬青葉上有雪取食甚清用晦翁韻

雪覆冬青爛有光湘濱孤客正堪嘗極知清澹無餘
味為洗從前染俗腸

雪中懷少林遊客用晦翁奉酬敬夫韻

昨夕風日好今晨天氣陰有懷遠遊子瘦馬山谿深
少林水石潔况值霜雪初達摩出天半玉峯競奔徂
嘗聞退叟詩呼作小蓬山想見登臨處雲海何漫漫

雷詩集
神仙底幾遇游目窮瀛洲還應憶老夫旅窓孤淹留
羈禽未脫樊寄思空綢繆攀躋惜未偕矯首發清謳

少林遊客歸詵入山諸作就次一首

開士談經地由來與世遙霜鐘雲外落仙侶月中邀
滄海風潮濶諸天夜色寥吟君錦囊句老興自飄飄

次輔兜天字二十韻

九死孤臣在南荒海拍天風餐多日月露宿縶山川
鼓角江城渺星辰石棧懸波聲鷗鳥濶峽影鴈鴻連
玄草妨傳世丹砂罷學仙艱難二嶺馬惆悵十洲船
初服羞蘭珮流年撫雪顛只緣逢 聖代未決返荒

田拙志都俞際華班雨露邊羅騷遑恤後披腹敢陳
前唐突干時議遲徊謝舊愆 明廷寬妄發 恩詔
許長遷飲啄從微分流離愧昔賢高穹歌 主德去
日惜親年鬢髮今何似音塵杳然固窮安水土懷
道慎冰淵行止漁父問生涯地主憐耳聾言自少肺
冷酒須煎野肅鷹將擊宵寒馬不眠栢花紅悄悄照
我遠遊篇

追和曹生冬至用杜韻

故鄉今日事多新旅食江南愁殺人異俗巫鬼絕堪
恠小儒詩書誰與親真將短髮照滄海夢想鳴珂朝

紫宸祗緣朗中有妙句開樽一笑為佳辰

為平聲

又和途中見憶作

窮道無人問羈愁與子調正欣連客榻何遽動歸謠
風雨鵲飛急江山鴈影搖

曹生有兄被太守咎辱生方急難故五六云

艱

難乃如許此別恐成遙

和睡翁崔公

糖

韻謝曹生來訪

雪擁柴門霜擁衾天涯孤客多謳吟紛紛薄俗隨涼
熱誰識曹生訪我心

其二

旅榻長教一士同盤飧雖缺未為窮漢陽不見湖南

見始信斯人耿介風

又次睡翁韻

睡起朝暾一尺餘
竹爐梧几坐脩如
枯腸得酒春生
谷病耳嫌風樂出
虛懶抱藜筇還客
拜閒披貝葉荅
僧書行藏自信前
緣在何處田園非
我廬

奉和槎川李丈見寄韻述懷

植杖青天豁鳴鷗
沒遠波道機無不
在客意竟如何
竹瘦風常淡梅寒
花更多浮名以自
喜吾竊薄東坡

原詩有文章過嶺後莫太
做東坡之語結荅其意

敬次家大人下示生朝見懷韻

雷江集
一觴遙向嶺雲飛
遠望誰言可當歸
初度嘉名須自述
楚騷心事不余違

其二

蕭蕭鴻鴈盡南飛
漢北游人尚憶歸
鼎裏金丹要九轉
功名莫歎與時違

步月柴門乘興至
南川橋登城樓眺望久之得
詩一首

壬戌

竹靜烟沉霽遠霄
水聲人影石欄橋
獨憐夜月孤筇響
且喜春風兩袂飄
望闕寒眸依北斗
歸田初計倚南譙
高懷更有何人會
寫得應須綠玉簫

和贈白生泓源

余六世祖秋湖公嘗有開西行白玉峯贈詩
曰遠遊人送遠遊人對酒却傷無限神試過
生陽館西路烟花猶似舊時春今者玉峯後
孫泓源自朗州松山攜此詩訪余溟南謫廬
且用其韻見贈要余和之時壬戌初春

二祖清風起後人長留水月見精神萍逢嶺海論先
契西塞烟花幾度春

次曹生用杜韻喜余蒙 恩宥作

赦書千里走陽春閭里驚聞 寵命新天教放歸江

北路吾知免作海南人
殘葵遇日猶傾首
孤鶴辭籠始聳身
浪跡湖山無不可
君恩未報足沾巾

用晦翁韻與諸君同賦

孤燭更深淚作堆
嘉賓未醉不教回
浮萍偶爾成離合
旅鴈惟應伴去來
酒欲避賢豪性在
棋因設霸活機開
風埃衮衮仙鄉隔
倘把音書取次裁

詩謝玆島太守餉橘

使君贈金橘
霜殼雪梢偕滿筐
光堪摘開苞
臭更佳初停屈子頌
翻入陸郎懷
栽植殊風土
休教素性乖

次韻贈宋生信夫

允哲○信夫以懷德
儒生非罪謫海南

莫唱離歌動遠愁
浮萍聚散本隨流
青雲洛水吾將去
霜鬢湘潭子獨留
棠嶽茅茨春寂寂
錦江舟楫日悠悠
應知別後相思意
攜杖頻來石澗頭

上元夜步月南橋次兜革韻

醉驪藜筇着月明
玉簫吹弄漢陽聲
百年浪跡優閒在
千里奇遊邂逅成
過嶺文章聊自適
誤人簪笏只須驚
浮生榮辱無時了
莫忘南橋此夜情

崔老重予徒步數十里
以甲鮑瓶醪為餉
悵惆不能別此老人意也
感而贈詩

江花江草年年生
盡是江南別後情
揮手出門還執

雪詩集
缺悲君短髮雪盈盈

金溝凝香閣題贈俞使君子恭

後閣通清沼欄干迥欲飛湖山人自得樽酒客忘歸
遲日烏皮几春風鶴氅衣悠悠求道意惆悵對斜暉
至公州訪安史 宗海 不遇次三淵詠梅二絕題

梅閣

南來不見主人迎獨有寒梅正吐英莫怪一着還起
去淡交元自似無情

其二

雪魄冰魂鍊得成肯隨春物闌輕盈一番榮辱渾忘

了卧對南枝照眼明

借居柴北玉流堂送兜革先歸拈韻戲贈

春暉澹澹硯扉明二月山寒花未生幽趣不愁兜革
覺林間一宿已歸情

與舍弟步月得韻

春木行初露園居對古城輕雲終百變片月自孤明
戲蝶憐花澹浮蛆愛酒生巖泉宵發脉側耳聽新聲

李應教

度遠輓

聲貌雍容道自凝文章餘事亦云能身嬰華組如枯
木足躡榮途見薄冰清士多窮時或爾仁人無壽理

雷鴻集
難徵桃源一面今千古尚記題詩共剪燈

尹侍讀

得敬輓

妙年黃甲即騫飛氣貌清醇獨布韋憂國封章深獻
納對人襟抱屏權機名家制筆長餘綵短世朝袍不
及緋隻影朝端留阮叔欲提存歿淚交揮

和徐侍郎虞卿

命九

同舍第遊楓溪述懷韻

始覺休官好閒君避暑遊山光時墮雨蟬意欲驚秋
淚為哀猿迸琴傳別鶴愁曠然忘此境而後達人儔
僑居泮水東村

蓬戶自無客吾非與世疎三旬幼安榻百遍子思書

黃鳥風清處青山雨散餘高歌時一放隣舍謂何如

遊青霞洞次主人洪希天

聖源

韻

居士幽棲綠朶隈帝城東北霽風埃穿林杖屨隣朋
至隔陌絃歌闕里開秋洞細噓雲靄出曉池清瀉月
星來蒼苔不食曾朱字須長寒松護古臺

西臺有曾朱壁三字

世傳尤翁筆云

又用三淵集韻示主人

迎客蒼杉下誅茅古澗西林聲晨下廬雨氣夜聞溪
湍壁漁樵盡分山鶴鶴棲東巖屨不及留待後來題
余之僑居玉流也雲水僧新築精舍數掾邀余

移住余戀柴北泉石不果往今夜偶憶山中吟
成小詩

遙憶山中廬山僧期一宿秋聲入小庭滿地黃槐落

題寄宜叔直廬

何處江湖月滿船鑾坡學士夜無眠
聖恩不借今宵暇虛度秋風壬戌年

小醉有賦簡文遠約既望一遊

碧樹收餘雨彤霞暎半天馬歸春苑夕鳥沒廣陵烟
小檻先攜酒清江久繫船故人茅島月相望已泠然
鷗湖舟中以白露橫江水光接天分韻余得天

字是夜天陰無月諸君以為歎

我心有一月炯炯恒在天今宵雨亦可我月自清娟
蘇子不知道見月赤壁船

放船次接字

赤壁渺安在吾亦駕一葉飄然聽所之蓬島行當涉
吾道豈不廣浩浩天水接

次光字

天水方浩浩龍門落遙蒼殘雲收急雨洲嶼乍浮光
茲境余適遭興至聊一觴

次水字

雷詩集
一觴吾欲醉復酌祭江水我舟歲一至風濤常不起
客與雙白鷗期余宿芳沚

次江字

芳沚有呌鴻蕭蕭漢東江我友紛已至手提青絲缸
歸馬江畔草磬折入船窓

次橫字

船窓有浩歌廉折為商聲昔人逝莫攀孤舟萬古橫
誰能嗣逸響吳楚浮雲征

次露字

浮雲不根蒂吾曹亦奇遇憶與月谷子舟中蹋清露

對酒發永慨况余齒髮暮

次白字

齒亦不厭落髮亦不厭白所貴君子心貞介如金石
矢詩亮不多聊以燕主客

翼日夜又泛舟江中月色如晝喜用前韻

蓬底翻孤光洲瀝延遙白輝輝動水禽熒熒出雲石
始覺山月出顛倒舟中客

右白字

待月江上村信宿乃一遇圓魄故無缺洗濯用繁露
茲宵興更顛一醉也未暮

右露字

前掉逼菰葦水禽飛有聲月氣欲漫空微雲不復橫
我生無羈束何事更宵征

右橫字

此月真不分昨夕雨潭江醉客各言歸棄我如空缸
還應惜今宵沉歎卧孤窓

右江字

明月不可把和月飲江水江水自平濶月魄愈清起
大道諒不窮得之東江江

右水字

曉榜衝水舍，鷄犬起蒼蒼。秋夜何渠央，星斗爛爭光。
君子樂無滯，持以銘吾觴。

右光字

吾衰欲遠遊，行具太乙葉。

申正甫有小舫，農巖名之曰太乙葉。

凌厲挾

飛仙海嶽窮，跋涉禽尚千載人。英風倘可接，

右接字

豆浦水更濶，舫子如浮天。天際有孤雲，霽色青以娟。
其下即蠶頭翠翁所繫船。

右天字

輓人

樹屋茅江口窮經意不群有詩悲桂塚無子與玄文
淚盡思親日魂飛憶弟雲歸舟非宿昔相送涕紛紛

簡寄李副學士受

鼎輔

水村僑居

病起秋風晚間君已拂衣封章從縣道謝客卧林扉
一壺誰爭所孤雲與息機惟應倚閭望不許便忘歸

紙窓

紙窓淨如紗宴卧朝瞰靜安得數竿竹玲瓏照瘦影

簡文遠

朝訊兄於靜修齋中則晨駕東郊矣病懷惆
悵不暇言蒲谷病貽不足代步箭橋薄酒不

乏療飢行色蹙蹙可念然聞兄行頗為觀穫
此意老實可贖前宵輕脫之咎矣茲送一詩
幸和來少卒奉文遠之下

乍隔非吾歎勞生為爾悲道窮歸歆歆身老戀茅茨
羸馬寧當步生醪未救飢猶欣筋骨健飄瞥類童兒

玄先達

光宇

內子輓

夫婿壯元人姓名 君王知兒子秀以文炯炯雙瞳
眉尋常閨闈願萬言不外斯如此不虛歸孺人其瞋
而孺人大家出詩禮夙所儀為婦用鷄鳴不專麻絲
治螢囊照讀書申以鹿車期綢繆樹門戶半巢風雨

雷江集
歌人生歌哭事恒在圓滿時小亨非溢分胡遽招禍
為茲理亮難謔永為存者悲

耳鳴如松風往往以耳聽耳欣然忘病

世人鑿私智言語以相蒙如何靜癡子閉戶聽松風
送別洪校理壽爾

重一

燕都書狀之行

塞日荒荒起暮茄行人立馬一為歌如今楚戶謳吟
絕從古胡天氣數多劍筑英聲悲竹帛金繒下策愧
山河征衣染盡煙塵色欲拜灤祠意若何

薇陰李處士君重

鼎燁

為余彈琴作古調二三

美能使病者忘卧其意良厚不可無謝也處士

為誦閔士元

遇洙

詩以求和聊應之

穎也傳聲遠孤凰破衆喃應驚俗子耳似與古人談
萬古松風石中宵月影潭希音須自惜能事怕生貪



雷淵集卷之四

